



詩觀二集十一卷目錄

丁日乾 余懷 任楓 龐

方象瑛 祁文友 洪圖光 崔敬儼

林堯光 林堯英 林麟焄 毛天麒

蔣景祁 鄭茂 譚宗 周質

路澤農 朱爾邁 崔崧 宋犖

李麟 趙澧 顏伯珣 顏光敏再見

閻若琛 范承斌 范承烈 鄧林尹

鄒之璜 楊雍建 趙士麟 柯崇樸

柯維楨 曹鑑平 曹鑑章 毛達

孫郁 魏憲 沈胤范 謝樞齡



汪耀麟

陳璜

蘇瑋

李贊元

衛既齊

張惣

吳之紀

董允瑄

畢三復

張辰樞

吳甲

吳鉅

蔣楛

吳之振

呼谷

黃初楮

沈蕙縑

金肖孫

曹禾

沈攀

錢光繡

譚吉璉

潘江

湯格

秦鈺

鄧林梓

葉舒崇

王九徵

陳檀禧

曾王孫

蔣日成

顧景文

陳鈺

董文騏

沈世奕

楊自牧

關麟如

陸慶臻

顧有孝

徐增

練貞吉

黃之翰

董元愷

劉中柱

迮俊

陸元泓

湯傳楹

陳希稷

鄒祇謨

董以寧

魏世傑

王潔

吳肅公

柳葵

陳琅

王翊

周榮起

何龍文

夏洪基

車萬育

沈奕琛

沈謙

王鴻緒

于覺世

蔣伊

曾燦

劉書

劉元徵

張鴻儀

李振世

蔣玠

紀昞

徐士芝

程瑞初

胥庭清

鄒溶

李蘭

任西邑

鄒顯吉

沈希亮

鄺日晉

諸嗣郢

張麋

夏駟

張吉

陳澣

黃霖

丁耀亢

劉懋賢

鄭元志

程祐

程瑞禴

白眉

陳治

鮑鼎銓

姚克家

吳琦

謝淳

徐旭旦

羅自觀

熊一藻

姚景詹

姚景明

陳啓源

申涵煜

程毓

程應騏

吳卜雄

釋本月

釋大燈

何金驥

繆永謀

鄭培

汪楷

高詠

陸輅

趙其隆

沈純中

胡玉昆

顧自惺

喻全易

趙陞

朱曙

宮純胤

夏州梁

翁磊

葉藩

卓人臯

顧兼

許心宸

劉應麟

浦舟

徐國顯

詩觀十一卷目錄終

慎墨堂篋

詩觀二集卷之十一

東吳鄧漢儀舊山評選

同學戴王縉紳黃叅閱

丁日乾 漢公謙龍江南泰州人
漁園詩

秋樹吟

白露弛華英。林藪起蕭瑟。花殘無好容。幽情在風葉。棄置彼
道旁。飄零待霜雪。不知榿楠材。大器老山澤。
數語
堅貴

隋堤行

楚澤風波傳海曲。草徑人稀鴛鴦宿。半掩旗亭半繫船。酒遲
花暖荒煙綠。溪上春殘春不歸。野市場花滿。客衣閒情看掠
東流水。纖纖燕蝶一雙飛。
似寫年來風雀後光景
却語氣秀隱所以為佳

平望阻雨不得過西塘遣使示李環瀛
已是剡溪路蒹葭何處尋
鱸荒市少烟雨
○此○等○
江客扁舟隔浦心所將無異物尺鯉到寒林

澄江書懷

守困十年後遊偏與事違
翻忘家食苦祇覺出門非
塵路看行色郵亭過落暉
如何頻悵望江岸阻人歸
謙龍賦性豪達能時出囊

物以應友人之緩急今見困矣而交遊落落如何如何

擬江陰北渡不果復發無錫南遊

歲暮又南去孤篷何日還
家貧輕遠道人澹戀寒山
霜月三秋夢風塵一夕顏
違心是旅雁嘹唳下前灘
語意清寒有烟霜氣

湖樓獨坐

何曾懷抱好萬念冷如僧
冥色含諸岫烟光泛一燈
夜深雲更出人靜月初升
擬便歸期早躊躇恐未能
旅中婁清景色不堪再讀

從桃花港登樓霞嶺觀紫雲洞由白沙泉返湖樓作

舊日桃花路翻成寂寞過
涸泉猶入港危磴欲捫蘿
鳥道僧房小龍陰洞壑多
轉從湖背下暮色恐蹉跎
深曲之思出以顯亮

韜光菴

凌虛孤閣聳苔砌自何年
僧老不能下客遊須屢眠
雲烟千壑動晴雨一峯偏
世味全消盡惟應汲冷泉
別調秀思

君山晚眺

作客常牽物外心閒登高處
望沙溇秋風雉堞昏潮色
返照鰲峯壓海陰舟楫遠
通過荻浦人家多住在楓林
少年攀涉

猶能記下瀨于今滿角音

壯處幽處皆極標勝

送家季兼返會稽

菰城牽袂幸萍逢。逆旅驚飛語未終。道路頻傳兵燹急。夢魂相送亂離同。江鄉妻子烽烟外。秋色谿山血戰中。漫道後期年易老。形容憔悴已成翁。

字字是亂中語寫來悽惻

丹陽過韓石耕墓處

石耕同兄耕良尋父未見客死

故人客死雲陽道。遙指孤墳直北尊。萬里心魂因父斷。天涯涕淚一兄存。鴉翻邗路荒村遠。人倚吳帆落照昏。此去黯然雙淚落。不堪重把舊詩論。

令人酸鼻

烟雨樓與沈仲方李赤茂話別

昔年樓已空。烟雨猶明滅。雙槳曳鴛湖。故人從此別。

悠然自遠

六橋

昔時春雨中。烟樹迷湖口。如何畫圖中。今人纔插柳。

滄桑之感

具其中

江陰東郊秋涉

餐罷閒游東郭東。飽看秋盡落丹楓。歸從籬逕忘溪遠。潮水蓬門一路中。

路徑可想

余懷

澹心江甯籍福建莆田人研山草堂詩樣

南鎮

雄鎮南天典秩宗。廟門欹側對爐峰。數聲黃鳥啼修竹。十里紅泉帶古松。斷澗水枯堆木葉。亂山雲起削芙蓉。煙橫黛濕秋空晚。曳杖迴帆聽暮鐘。

純以氣象勝然是初唐沈宋之遺

吼山

忽驚山影過帆前更展江湖極目天僧在別峯雲縹緲客迷
歸路水嬋娟魚穿九曲風燈亂葉落千尋石磴懸共說此間
堪避世不知疏鑿自何年

只不欲一字落中晚

題曹娥廟壁

漢安年代越江東江上靈旗映水宮五日屍浮真父子千秋
血食女英雄舡迎鼉鼓波濤綠殿壓蛟門蠟炬紅一道殘陽
催客去野猿沙雁叫秋風

愛其確不
僅賞其雄

登白塔長橋望鑑湖

我來十月鑑湖涼水鳥高飛豆葉黃百里風帆勁哀壑兩江
煙樹起斜陽橋通宛轉波如雪人在虛空髮有霜廢圃荒林

秋色老雲蘿山翠繞衣裳

置身千巖萬壑中
那得不有此筆墨

金陵襟感

六朝佳麗晚煙浮擘阮彈箏上酒樓小扇画鸞乘霧去輕帆
帶雨入江流山中夢冷依弘景湖畔歌殘倚莫愁吳殿金釵
梁院鼓楊花燕子共悠悠

結語遠甚不
祇情詞之豔

吳門襟感

搔首紅闌七十橋鬪鷄陂下草蕭蕭無端醉擊雷門鼓潛向
花陰哭海潮

是睇髮
人語

茂苑樓臺接五湖蓴絲菱片野雲孤煙波一櫂鳴夷子閒對
西施話沼吳

想像如此然不知
西施當日作何語

無題

紅羅亭下寫蛾眉。憔悴江南刻。襪詞依舊西園綠。蝴蝶春風吹上木蘭枝。不語神傷

任楓水菴河南汝州人

小孤山

鏡骨不可沒。突然自茲起。中流柱嶙峋。窈窕青無已。迥性絕攀援。亦不為類倚。寧須學大孤。各能具端委。灑灑彭澤濱。任檝欽高理。日月嘘岑光。乾坤照江水。別見孤與之性筆墨迥異

晚霽桐下聽度曲歌

翠翎拭碧割天光。晴霞畢逋金鳳凰。白雀騎龍朝玉皇。千鱗爛錦絢下方。散髮仰面叫新涼。半院深綠桐陰長。有客踏嶽采松肪。食我杞菊硬苦香。眼大氣高類古狂。傍人笑指曰荒

唐放歌纔動雲不翔。鳥啄生榴落青房。橫大江兮望滎陽。那能細飲作吳娘。歌罷大聲索舉觴。山月如雪掛滿堂。雖慕彷彿長

吉而絲理畢現其形容放歌處又極有情思

硯莊村居

幾畝家東地。一彎原後田。餘糈供鼠飯。喬木許鴉眠。野客能醞酒。山妻慣紡綿。升沉不可問。安樂且彈絃。

位園

草閣藤蘿外。雲霞興不孤。開樽延二仲。踏葉弔三蘓。世俗卑吾道。天心恕酒徒。醅陶竊自喜。白眼縱江湖。多刻至之語

遊風穴寺

攬勝曾遊處。靜因此地偏。入山方見寺。隔屋已聞泉。佛法風

鈴演仙蹤古洞傳登高雄四望萬栢釀蒼烟

幾年泉石意慷慨此登臨嵐氣苞千嶂霜風落萬林眼中前

代寺亂後老僧心誰識深山裏浮雲自古今

二詩蒼堅處極似孟津而

格法更渾

再登風穴山頂

風穴重來上穴風尚未休高天飛鷲隼陰壑避鴝鷓今古吾

儕腐乾坤灑氣流長房如可見結伴訪青牛

揚人聚故址

鶉首胡為錫虎狼醉天難問意難量可憐六國泥丸散遂使

三川寶氣藏王迹赤刀悲汝水軹塵白馬哭咸陽只今蠶食

人何處周社秦宮盡渺茫

意深識老不僅辭色之典雅

麗

造霽公雪崖直隸任丘人

山寺

荒磴苔乾屐齒輕寺門晴鎖午烟平灘聲靜抱巖頭轉雲氣

虛從殿角生講院長留馴鹿跡題墻偶見故人名老僧只解

蒲團坐無數松杉一磬聲清閑密麗

方象瑛渭仁浙江遂安人

同友登吳山眺望

覽勝同過伍相臺青槐小閣暫停杯雲移越嶠千峰見樹簇

江城萬井開對酒喜看耆舊在懷人便覺旅愁來故園西望

歸無計落日層城画角哀體裁完好

祁文友

蘭尚珊洲廣東東莞人出門秋署二稿

桃江吊古

半壁南天後。桃江野哭中。吞聲。三千空戰死。一將豈成功。星落疑陰雨。雲開想陣風。斷橋流水處。遺恨幾英雄。詩亦雄健

三鳳寨

萬山如疊翠。雲屏削出三。鳳作野城地。險久無戎馬。到春深時。有隴牛耕。居人屋角青天近。過客帆檣濁浪迎。古木蒼蒼離亂後。獨留茲寨對昇平。對字好。如入深山古洞。悄然肅然。

過廢寺

何年廢寺劫。將崩望人山。門半絡藤遺。土金銷猶有像。殘蕪碑斷已無憑。清風疑送檐前鐸。明月空懸壁上燈。古迹龍蛇蚪蚪穴。不知誰是六朝僧。寫廢寺語語刻至其風艷處亦逼似劉滄

秋署述懷

風急天昏秋氣深。孤城殘壘晝陰陰。河邊橋影連朝雨。樓上鐘聲動晚砧。落月自縈千里夢。寒衣長繫百年心。支羸強起披衾坐。無限歸懷越客吟。一字不流于率病中乃有此健筆

麻城寺

天半諸峯晚更青。湖光蕩漾到疎櫺。只今古刹猶聞梵。不見當年老蚌聽。用事甚活

水簾洞

春雨苔生古石烟。橋頭流水洞中天。到來不識神仙處。野岸濃花晚泊船。是唐調

洪圖光

暉吉月槎浙江鄞縣大

山略

偶入橋東路誰知淺與深村人輕虎跡倦客戀松陰度水樵
歸雨銜花鳥出林此中高士在何處白雲岑

西濠漁筏

西郭雨初急低塘潮暗生水邊漁火亂雲裏野人行海市鮫
皮估春鮮馬甲羹但思垂釣好竹筏已新成

筆花如繡

留隍夜泊

留隍城上晚啼鴉遊子傷心二月槎山店釀成蕙苒酒清明
開亂木棉花思歸南岳陶潛宅欲訪西湖賀監家最是春風
嶺外蚤片帆次度海天遐

妙于嶺南最貼秀雅不必言

正月三日遊玉山城

旅愁不覺是新年步入山城別有天路窄草青眠野鹿縣低
水綠護春田油衣半濕花迎雨酒旆斜翻柳帶烟羨煞幾家
廬井靜細聽童子發歌絃

懷玉山頭今為戎馬之場思此景何可得

贈友

買妾費千金容顏瑩如玉不唱吳下歌但唱涼州曲

正自吟時

舟次期友人不至

韓江風雨放舟齊夜泊潭頭路各迷昨到三河沽惠酒人傳
君已渡松溪

神韻絕似唐人

崔徵璧 祀功直隸長垣人

上元大梁觀燈

春風駘蕩綠波明。佳節偏宜月滿城。火樹光中千騎出。銀燈影裏萬人行。笙歌依舊梁園盛。花草于今艮嶽生。休向芳塵悲往事。銅駝金谷總無情。
○結○得○深○至○ ○對○句○變○ ○干○繁○盛○中○寓○哀○感○ ○之○意○故○為○杰○出○

林堯光

涑亭福建莆田人

春日集東山重別

今日何日春。載陽條風解凍雲。出房游子杖劍指燕山中。車驅馬上河梁。此時與君。舉芳樹君登東山。畱我任詞客。如雲羅肆筵。峯頂浩歌天欲曙。行酒數巡前。致辭欲語不語立。踟蹰感君情深。為君舞良夜。且復窮歡娛。君不見東山之高。拔地起白石。峻嶒燿空裏。上有蘿蒿施青松。千年盤固色如此。斗酒未盡歌未已。春雲迢迢度江汜。春草行程從茲始。
○音○節○妙○甚○ ○

嫺美何

減唐人

林堯英

蜚伯澹亭福建莆田人

聖泉詩

陰館東三十里

邊外多濁流。茲泉信已稀。當堦漱寒玉。出地噴明璣。泓源安可測。逝波無停機。偃憩小亭下。濯髮尚未晞。群峯既羅列。衆草復芳菲。空影時蕩漾。清光薄我衣。澹澹孤村外。曖曖人煙微。因思川上嘆。庶以樂吾饑。
○好○ ○全○似○選○體○却○能○處○處○ ○映○貼○秀○氣○拂○乎○亭○素○

昌平道中

鼎湖精爽地。長傍薊門秋。北極光猶拱。西山翠欲流。天陰蹲虎豹。日落亂松楸。極目勞行邁。蕭蕭起暮愁。
○壯○拔○ ○全○首○ ○警○策○

塞上

重重霧堞鬱崢嶸。設險居庸擁帝京。萬里河源翻濁浪。千盤山勢抱邊城。平沙半入黃榆色。吹笛遙聞楊柳聲。燕趙悲歌且暫歇。并刀時向匣中鳴。
氣力聲調俱勝

林麟焜 石來福建莆田人

臨漳雜興

丹霞亦是紛華地。策杖今來感勝遊。鶴嶺遙從松嶺度。龍江斜帶柳江流。海邊月落漁人網。天際風迴賈客舟。物產猶懷全盛日。奇珍入貢甲中州。
○懷○想○

佛頂涼颺正仲冬。當年此地遍儒宗。講堂久失三千士。寶殿遙連十二峯。幕府將軍朝較射。城樓孤客夜聞鐘。更看寂寞荒臺外。深洞雲歸隱臥龍。
○正○是○時○變○
漳郡繁盛為東南最。今一旦掃地矣。詩正以華整而傳哀涼。

毛天麒

如石江南太倉人

壬子九日登古魏臺

古臺臨層城。軒豁俯高柳。文侯禮賢地。歲月亦已久。訪古欣良辰。我來適重九。長林響梨葉。秋光遍原阜。清遊屏與隸。勝集羅賓友。菊把他鄉花。杯啣故鄉酒。却憶秦關秋。六年事奔走。登高望南雁。淚落天涯叟。往事常在胸。茱萸今在手。何須菊滿頭。一笑始開口。試問明年會。健者知誰否。所以今日遊。自卯當及酉。新月來前楹。斜陽下西牖。霜鐘激歸路。此樂信難朽。顧予憂民癡。撫字恐相負。更緬式廬人。晚俗未見有。稱職古所難。臨風重回首。
○筆○力○健○絕○
高勁疎爽是得胎少。陵而能行以已意。

蔣景祁

次京江南宜興人。梧月山房詩。

九日登攬勝樓

牢落名場經幾秋。却逢佳節一登樓。滿山紅葉橫殘照。薄暮

寒雲覆碧流。邸第舊時歌舞散。郊原荒草古今愁。臨風多少

與亾感。非為憑高結勝遊。清艷多姿

鄭茂子勉紫沔直隸永年人竹邊樓詩集

小雨志喜

數盥消炎熱。環雷走急聲。雲侵鷗鷺白。雨洒棟梁清。不韞書

能讀當窓涼。漸生會看霑足後。攜酒問溪耕。詩有蒼致

都門霜降日作

風雨連朝動客愁。笳聲嗚咽滿邊樓。捲簾何事看星日。一夜

霜寒木葉秋。浸入唐人老境

譚宗公子浙江餘姚人

上北高峯

登山便不慵。樓起北高峯。曉塔眠雲鳥。春泉養洞龍。海風朝

影殿。天樂下疎松。一自西陵別。那知此地逢。字字翔開

歸度庾嶺

度嶺賦歸與嘉平。月正初歲華。零落日童僕。喪亾餘雨碎。梅

花道風昏。竹葉廬。殞然下橫浦。燈火亂樵漁。一結更覺生動

九日登龍山

傷心百歲半。東流經歲關。門補浪遊九日。每舍他席淚。十年

重見此山秋。清江晚堞寒。生月衰草黃。雲莽入樓恨。不披襟

最高處。同君散盡故園愁。

周 貧 青士當谷浙江嘉興人

吳門卽事

香涇莫問采蓮舟。歌舞消沉歲月流。○筆○意○炯○娜○春事乍過三日雨。游人還說百花洲。深閨螺黛張京兆。列障丹青顧虎頭。老作客遊豪氣在。淳于不醉待何求。風致秀逸

路澤農 吾徵直隸曲周人

遊西山

削壁懸空外。孤筇入斷雲。峰垂紅樹接。石亂碧流分。衰足行多歇。天風定亦聞。幾時攜素侶。終日坐秋雯。雅艷

朱爾邁 人遠浙江金華人

望金山

縹緲金山寺。烟雲澹不收。朱甍懸海上。○奇○麗○翠樹落江鷗。吳楚尊前合。魚龍天外浮。一杯酌夙昔。遮莫使心愁。鍊整

登雲岫絕頂

孤峰極目是滄溟。萬里雲山入望青。地坼諸羅沙漠漠。天迴於越霧冥冥。懸厓木脫迴飛雁。○對○更○勝○大壑風高散落星。回首中原方厭亂。何時烽火罷揚舲。氣槩英偉

崔 從 小霍五竺福建福州人

洞庭秋詩

烟水雲飄一幅圖。秋聲長嘯滿菰蘆。雨過湘浦啼筠竹。龍去軒轅剩鼎湖。會有波濤迴漢沔。中通舟楫渺荆吳。客心不盡東流恨。何處青山叫鷓鴣。情與景會蒼翠滿眼

奔流萬壑此中央。浴日吹濤水勢颺。篳路開疆全澤國。磐丹厥貢自荆方。每從鶉尾占星漢。思駕鼉鼉作石梁。誰識羸秦誇飲馬。祇今湘樹幾滄桑。

宋 犖 牧仲河南商丘人 柳湖草

古廟

峻嶒古廟坐荒岑。神鬼森羅玉座深。畫壁旌旗閒自動。雕簷松栢盡長陰。行人十里聞鐘至。怪鳥三更入戶吟。欲問何王香火地。螭碑零落土華侵。

李 麟 西駿江南興化人

過昭陽墓

高原突兀倚晴空。楚將雄猷想像中。芳草離離嘶石馬。幽宮

寂寂冷青楓。碑荒苔臥龍蛇跡。地僻春喧燕雀風。鐵騎雕戈今不見。孤墳千載映殘虹。

趙 灃 山子江南吳江人 雅言堂集

夾馬營

夾馬龍興地。停橈一問之。陣雲圍野渡。青草沒荒壘。繡蓋專征日。黃袍受禪時。那知王氣盡。風景更如斯。

魯宮感舊

重城複道天門迴。秘殿幽房地肺清。玄圃池亭驚竄鼠。梁園絃管付啼鶯。臺傾尚識泥金字。泉響如聞佩玉聲。畱得瞿曇宮女在。茫然閒坐說無生。

東昌

哀艷 絕人

鉅鹿孤城繞漢流。麗譙歷歷俯平疇。危檣落日閒爭聚。粉堞寒雲莽不收。袁紹艱難經百戰。魯連談笑獨千秋。却思形勢無長勝。終古空勞設險謀。

結語有識 餘俱壯麗

顏伯珣

季相山東曲阜人

聊城曉發

聊城宵問渡。迴首去齊州。風亂殘更柝。波揚不繫舟。嶽雲奔萬馬。海日湧孤樓。赫赫東門跡。嗟哉一矢留。

矯健

顏光敏

再見

孟津舟中

急水高灘捲白沙。津樓古道夕陽斜。飄飄舟上分鄉土。潦倒人前怨歲華。萬里忽開三晉樹。南天吹下北邙花。獨憐從此

音書斷。那得狂夫不憶家。

清思俊調 翩翩獨往

華陰道上

楊公墓下。遠清溪。柳葉柔條覆舊堤。鄉夢已從河曲斷。客愁更在灞陵西。林間黃鳥春無賴。馬首青山望轉迷。縱使新豐賒斗酒。玉壺金管為誰携。

骨秀 神清

望嶽

雲臺觀北望。嗟峨少昊西來佳氣多。萬里寒光搖紫塞。三峯雪色照黃河。壇前樹古藏風雨。殿外春深上薜蘿。欲向諸天消永夏。蓮花玉井竟如何。

絕不川蠻氣狠 力而風格自高

金陵絕句

鏡中樓閣影層層。桃花津頭五夜燈。縱使當年羅綺在。忍將

歌舞對西陵

誰人說 得到

閻若琛

紫琳山西太原人

七夕賦得迢迢牽牛星用陸平原韵

牛女隔銀河。盈盈非遠步。如何終歲間。不得頻相顧。初月上碧霄。流光照紈素。寧愁天氣寒。但恐茗華暮。褰衣向波濤。踟蹰不敢度。良晤有深期。含情待白露。

婉轉入格 韻讀更准

范承斌

允公奉天瀋陽人 大鳳堂初集

擣衣篇

何處飛來砧杵聲。秋風吹送滿秋城。樓頭戍鼓行人斷。露下梧桐月色輕。月色籠煙如織素。長年離別看庭樹。夢中夜夜到漁陽。誰憐未識門前路。門前有路少人歸。聞道明年又合

園悄悄幽魂傳素手。斑斑紅淚寄征衣。衣上痕君莫澣。滴淚

不煩添脂傳粉只一味真至便 已動人此詩之原本性情者也

八月送友人還山

砧聲將落葉。浙浙動寒幃。秋色來何處。故人今日歸。遠山孤樹小。隔水數鴻飛。却羨君兄弟。舟中話翠微。

一片空濛

秋杪過東臯百草就萎。盆菊獨茂。欣賞永日為賦短篇

爽氣西來合平林。一望遙紅看霜葉。老黃到菊花。嬌正色。元天地繁英自暮朝。眼前榮落事歸路。羨漁樵。

范承烈

彦公奉天瀋陽人 大鳳堂初集

秋夜懷友

庭月明如水。涼風盡入秋野。花開徑小。蟲響傷人。幽對此誰

詩集二集十一
定本

能遣吾今始欲愁。去年今夕夜同爾。在高樓。○轉○合○白○佳○
清空如話

九日菊下計友人去程

不敢思君路漫漫。秋水長幾時。歸舊隱。今日是重陽。貧共漁。○新○警○

家飯寒分楓岸霜。櫓搖背指處。應念菊花黃。○讀此一詩想見友聲之篤

詩之佳勝不必言

除架

人意同秋薄。殘枝畧弗存。誰憐當落猶。自戀餘暄。敗蕻歸。○中有請理○

空徑寒雲住。滿園物情應有極。吾欲竟無言。○與○人○生○亦○有○初○同○妙○
靜識出以高筆故為獨絕

夜甚寒曉復大風。因憶家學士出獵未歸。賦以誌懷。

永夜寒無寐。朝來冷倍生。狂飈摧古木。哀角帶霜聲。獵馬馳。

何地荒煙橫。暮城幾時圍。校罷一望野雲平。○好○筆○力○
氣槩雄渾

鄧林尹 虞山直隸宛平人

舟泊廢城聞柝

城郭半凋零。孤舟繫石屏。斗星分列柳。風雨舊街亭。隔岸迷。

秦樹空江憶楚萍。鄉關方入夢。殘柝亂沙汀。○自○然○老○健○

春日感懷

又見飛花繞暮天。客懷岑寂背人憐。文章多病同鸚鵡。世事。

傷心付杜鵑。幾樹桃花三月雨。一堤楊柳萬條烟。日長無計。

堪消遣。遮莫春城思黯然。○滿○懷○蕭○瑟○

憶山庄舊居

依然山水傍籬青。荒砌悲風苦淚零。記得頻年歌笑地。不堪。

回首是離亭。○人○宦○離○鄉○言○之○可○慟○

詩見二集卷之六
慎墨堂

雨中舟過上庸城下感故人遷去

洵陽灘上古沙洲君去江南我獨留日暮孤城人散盡滿船

風雨為誰愁令我

鄒之瑣爾佩揚菴江南寶應人

偶拈

安仁入市看不厭太冲行來唾其面愛妍嫉惡理之然試看
策馬長安道春風翩翩多少年如古歌謠

楊雍建自西以齋浙江海鹽人

吳江道中

錦纜風高繫晚秋客心流水共悠悠一江疎雨催殘葉數點
輕鷗狎去舟得近遠公忘說法笑看漁父學垂鈎長橋虹亘

還如舊躑躅行人問渡頭

泊舟

停舟却在兩峯邊摘取輕芬最可憐正是多情還惹恨惜花
人在隔簾船情語正妙

趙士麟玉峯雲南河陽人

劉靜修墓

極目蒼岑外驚濤蕩里門地因神物護道以古賢尊元宋當
時改乾坤此墓存共知精爽異風雨暗高原筆力健甚

忠祠

再拜明烟下堂堂真丈夫松杉立地蠹俎豆見忠孤白雪凌
層翠青天開一圖徘徊瞻望久英爽在清都英毅之氣

形于筆墨

柯崇樸 寓匏浙江嘉善人

自雲門步至平陽作

昨夜宿雲門晨興事清盥縈紆出松徑猶見明星爛頃時嵐
霧收旭日乃始且巖巒迫迴合蒼翠正凌亂前瞻化鹿峯隱
約釣臺畔溪明魚自躍篠密猿相喚谷口聞鳴鐘林端辨烟
爨今為祇樹林舊是平陽觀盛衰固有由興廢何足歎

密麗正
自和朗

邯鄲懷古

驅馬入邯鄲風景何蕭瑟日落遠沙明柳暗孤城失憶昔七
雄龍鬪時雄都壯麗環曲池三千珠履平原客十萬雕弓主
父師全盛須臾那不再山川寥落長千載歌舞叢臺何處存

只今城上荒樓在烟蕪霜柳重躊躇曾是殘碑勲業餘君不
見迴車巷口行人度至今猶說藺相如 極似唐人短古

過武勝關

作客由燕趙今朝入楚來嚴城臨翠壁荒磴沒蒼苔山鳥一
聲寂飛泉百道開瀟湘雲正遠征騎幾時迴 疎澹閒適
轉見道縈

行經朝歌

邑是朝歌舊今來閭巷虛寄言行邁者不用更迴車 借中
見言

柯維楨 翰周浙江嘉善人

渡浙江

冒雨曾看八月潮衝寒今復渡輕橈江風動地分南北海浪
兼天徹暮朝吳越望中開殿閣溪山深處隱漁樵會稽自昔

多嘉道布襪青鞋好共招

與渡楊子江不同相題真切

望嶽

岩崑泰岱俯平原五嶽從推獨擅尊海霧平開通日觀巖雲
中斷劃天門登封謾訝秦松失秩望猶知漢時存愧我攀躋
違夙願夜來風雪阻前村
○濟○南○敵○手○
近人言詩有不講氣象者慮其膚耳然如此等題煞是寒儉不得

途中雜咏

久客鄉園悵望頻天涯童僕轉相親閨中祇解當窓織錦字

何曾寄遠人怨得

曹鑑掌公浙江嘉善人

登金山寺

鼓棹衝烟疾探奇竟日留長江南北限疊嶂古今浮浪急蛟
龍怒風高燕雀愁憑闌遙送目千里望中收
不必雕刻只自還他大雅

舟次天津

春月辭家出津門入夏過從知燕市近還見海雲多萬堞臨
高阜千帆蕩濁河幾回哀雁度鄉思更如何
○蕩○字○妙○
天津風景宛然在目

答徐松之汪晉賢鴛湖舟夜見懷

遠近皆秋色來游夜未眠村家依落木客艇帶炊烟水濶鴻
飛急更深月照偏羨君同嘯咏相得自忘年
光景寫得出

送季冲之任鬱林

稽帷百粵擁鳴騶四十專城是壯遊驛路梅花初破臘炎方
木葉少逢秋山縈峻嶺千盤出水落滄江萬里流此去日南
○貼○切○而○光○華○

天欲盡春風先到鬱林州
七子豈能擅美

曹鑑章 達夫浙江嘉善人

贈魏文讓

君有鸞鳳質超逸青雲中高蹈齊彭澤達識比林宗閉戶益
著書草玄追遺蹤雄采振大雅高音存古風况乃崇明德寥
寥誰與同層岩松檜林幽谷蘭蕙叢根幹同山川弱植難自
豐我懷景仰志師資良可通
企慕高流穆然神遠其風調自爾古峻

送友人之山陰

客路斜陽外征帆去不停過江秋水白隔岸暮山青旅雁霜
前落哀猿月裏聽扁舟探禹穴幾日到蘭亭
結得穩重

秋日徐臞菴注晉賢過訪賦答

荒圃人稀到欣君遠道來知心如二仲握手上海臺逸興歸
何急離歌調自哀東籬花欲放相訂共啣杯
一氣流轉

毛逵 錦來江西新昌人西粵行

灕江曉望

曉看灕江上峯峯烟霧遮芙蓉還石郭錢鎖引浮槎水微窺
蛟室山寒速桂花雁鴻從不到秋信問誰家
歷歷叙其風土而筆自沈

巴陵登岳陽樓

湘灋朝宗入漢流滌洞五渚下巴州瞰湖雉菜危臨浦浴水
君山靜對樓出沒魚龍常晝夜浮沉日月一滄洲仙翁去後
誰杯酒重解烽烟閣上愁
如此才分力量豈得日子美而後遂無作者

孫郁

雪崖直隸元城人

滹沱河

滹沱真巨險。白浪晝茫茫。穿石歸滄海。連雲下太行。沙深秋草盡。水濶板橋長。河伯安瀾久。梯航貢尚方。

筆下亦自滔滔洪遠

新樂道中

村遠沙迷岸。橋平水抱城。長途愁馬病。短日喜雲晴。溪口層流淺。山腰積雪明。晚來新月白。濁酒且同傾。

淹雅

過趙藩故宮

紫簫吹斷鳳凰樓。鸚鵡能言不解愁。剩粉零膏沈古井。更無人抱玉筵篔。 凄斷不忍聞

魏憲

惟度福建晉江人

同友人宿白雲洞

白雲留一宿。同聽海潮音。漁火空江亂。鐘聲隔院沈。烟光浮半榻。夜氣結層陰。忽吸松間雀。能清夢裏心。

摹景深刻

光明頂

軒轅黃帝煉丹臺。傳有光明頂上開。怪石抱松風。疊起高峯插漢月。偏來遙瞻龍氣嘘。三海疑聽鸞音震。八垓倚劍忽驚天地窄。九華如髻綠雲堆。

字字精鍊筆有奇光

沈胤范

康臣肯齋浙江山陰人

汪蛟門過飲京邸奉答

一冬幾度曾同燕。今日春風已吹面。當頭烏兔疾如飛。莫怪相逢苦畱戀。四海誰堪久要親。恃君直氣為干城。不憎祿位

余卑賤何况酒食嫌清貧。沽醪酌盡如酥白。喚婦呼兒頻逼索。醉倒不顧尚書期。自歌不是屠門客。聽君歌把君酒豪家。美炙比山堆臘味。春菹此何有。知君當筵欲罷難。况有文章膾予口。愛君才調怕君醒。傳杯搦筆憐雙手。
此種氣誼何減高李論文

酒壚時

謝樞齡 健行山西安邑人 麋齋詩集

登龍門

磴斷崖懸氣象巍。寒陰蕭爽冷秋衣。波光時回欄邊湧。樓勢翻從水面飛。跳浪修鱗開浩蕩。摩雲高翼背晴暉。杖藜到處窮諸勝。踏破烟嵐醉不歸。
筆力駕山排海

相畱指點說龍門。不覺停驂日已昏。且共寒掌防石角。休因支杖碍雲根。峯連不斷僊人掌。谿轉難尋鬼斧痕。到此頓教凡骨換。無煩窮僻探河源。
刻畫處偏露奇光

海光樓

高閣崔嵬躡屣登。賞心何必酒如澗。山青遙列屏千疊。水白疑鋪雪一層。風動練紋拖晚照。林含蒼翠帶雲蒸。倚欄指點情無盡。不覺巖城暮色凝。
整鍊而蒼秀

遊栢塔山寺

幾年常憶扣禪扃。躡屣今來識未經。老樹數圍陰古寺。重巒四面抱空亭。探幽有伴情偏洽。把酒逢僧醉亦醒。洞口秋風覓不到。此行仍復愧山靈。

謁女郎山祠

言集二集十一
坐看風雨灑窓櫺。騁望人傳。倦子靈衣。帔來時。偕鶴影。驟鸞
停處。帶龍腥。香臺電繞。留空翠。莓砌雲陰。溼画屏。薦罷溪毛
獨悵立。號城煙鎖。晚山青。
鍾鍊極工
光彩透發

汪耀麟 叔定江南江都人
北阜集

禪智寺試蜀泉

我嘗游禪智。坐憑七寶几。碩公與我善。談說無生理。午飯出
僧厨。茗椀勝。耳旨云。是蜀岡泉。鉢孟昔浮起。巴江何必通。揚
州好井水。平山第五泉。天下稱無比。汲之折脚鐺。烹以蒼鷹
嘴。宜共使君酌。滋味洵清美。
詩亦清
冷如泉

玉鈞斜行

城西十里雷塘路。煬帝樓臺罷歌舞。荒淫無地不堪憐。最是

宮人埋玉處。咸陽宮殿頗堪居。邗溝何用開長渠。錦纜美人
作小隊。一路離宮四十餘。迷樓高起幾十丈。日擁蕭妃在樓
上。曉促新妝紫髯呼。夜聞艷曲青蛾唱。司花女與來夢兒。車
乘任意相追隨。宮中蛾眉画不足。日進波斯黛五斛。民間有
女色嬌姹。試問何人敢自嫁。婉轉誰不待君王。一時寵幸如
昭陽。死後君恩猶未休。冶容不欲歸荒丘。烟花春滿玉鈞道。
夜夜月照芳魂遊。一旦兵起宇文手。亾國徒然怨楊柳。一笑
傾城再傾國。自古君王多好色。阿房宮爲古所與。漢武亦有
李夫人。東昏蓮花不足數。景陽宮井嗟沉淪。莫道楊花不及
李花好。李花容易生衰草。馬嵬山下塋娉婷。只今愁聽雨霖
鈴。
敷陳往事。點染艷跡。所不難也。而妙
在爲後王垂鑒。末一段尤有烟波

與韓醉白江邊望焦山

曾、踰、巖、山、徑、林、泉、盡、日、探、堂、前、枯、木、樹、頂、上、別、峯、菴、落、日、臨、
高、閣、危、巒、矚、石、潭、題、詩、憶、疇、昔、惆、悵、隔、江、南、
結句老甚

行、盡、南、村、路、長、江、一、望、間、茫、茫、歸、海、水、歷、歷、向、京、山、舟、楫、曾、
多、禁、沙、洲、不、可、還、烽、烟、平、未、久、羽、檄、又、臨、關、
說入時事筆墨入化

胡元潤画晚登燕磯圖并與諸子和阮亭先生壁間韻

步韻奉荅

絕、頂、曾、登、日、半、晴、黃、昏、月、出、暮、烟、生、不、分、草、樹、連、天、暗、但、見、
波、濤、似、掌、平、霧、裏、聞、鐘、弘、濟、寺、霜、前、吹、角、石、頭、城、青、山、不、道、
何句句是晚登
結句極有安頓
歸、君、手、能、寫、空、江、落、葉、聲、
詩味甚清却入老

揚州早雁

一、樣、南、飛、雁、驚、心、獨、不、同、當、年、歸、去、日、曾、過、舊、隋、宮、

紅橋曲

水、濕、羅、裙、風、亂、衣、不、辭、觸、熱、出、深、闈、采、蓮、莫、羨、多、遊、女、一、半、

紅、樓、人、未、歸、
時郡人多避兵村居
是時事寫來極妙

一、帶、園、林、水、半、篙、綠、楊、迷、望、壓、城、濠、停、橈、不、問、誰、為、主、看、過、
人、家、夾、竹、桃、
韻甚

廣、陵、山、水、苦、無、多、只、有、紅、橋、數、頃、波、御、史、府、中、多、少、崔、却、能、

吞、盡、古、隋、河、
保障湖為漁人侵種菱芡托云供饑院在食故及之

螢苑曲

熠、燿、何、須、數、斛、飛、景、華、燈、燭、儘、光、輝、隋、家、天、子、真、兒、戲、只、夢、
江、都、不、夢、歸、
多少規諷

陳璜 琪園浙江臨海人

站馬行

火牌傳旗箭。風雨過州縣。下馬索口糧。上馬去不見。北馬行。未回南馬歸。復轉鞭。樸諸馬夫。血流色不變。惟云上令急。流星逐奔電。驛路久已疲。枉道相作踐。壽良僻小邑。今乃成郵傳。人馬力俱竭。朝夕不得宴。賦言敢告勞。民勞須上眷。

直在樸

憫蝗

雪深斷蝗災。古言今不信。去年雪盈尺。今年蝗成陣。

所以拘泥

不待

蕪

韋玉貴州大定人客存近草

再渡三岔河

曉秋殘月落山隈。歷亂鷄聲向野催。渡口水窮狐汜濟。峰頭雲瘴馬虺臆。丹楓萬壑飄還歇。白練千溪斷復開。惜自舊年勞應接。憑誰探討又重來。

身分極高出以穩樞

李贊元

望石山東大嵩衛人

過烏衣巷故里

衰回往事欲傷神。閱閱銷沈淮水濱。屋有夜烏啼樹冷。梁無舊燕落泥新。空聞江左衣冠地。不見風流王謝人。寄語行人休歎息。晉家陵寢亦灰塵。

神情迢遞故乃筆墨俊異

擬古宮詞

中官宣詔按新箏。玉指輕彈離恨聲。却被東風吹散去。君王

乍聽未分明

音節縹緲入雲

衛旣齊

爾錫山西荷氏人

次韻東徐電發

時潘子次耕下榻小齋

爽氣西山逼空齋，獨坐時一樽。招好友，雙壁得新詩。燭盡風催短簾，鈞月到遲客。愁須暫減，未許憶尊絲。

風韻恬雅

張

愨 僧持南邨江南江寧人江上詩

宿靈隱寺

憶山忽經旬，杳杳不相及。羈縛忽頓捐，茲辰乃得入。偕我同心友，努力歷荆棘。步趾了諸峰，雲厨飽香粒。振衣出前溪，曉岫石林立。欹仄難為狀，高下互拱揖。日暮遠烟橫，草木皆作色。欲辨何峰佳，名之不可得。

南村襟懷獨超故山水間別有領悟

曉起望惠山

秋氣澄鮮甚，溪烟隔幾灣。初暎纔見塔，遠岫忽浮山。泉憶誰穿鑿，余嗟徒往還。何從尋一汲，咫尺未能扳。

句句是望中景

韜光別開止

最愛韜光頂，幽人高掩扉。帶雲携竹杖，踏澗澗苔衣。佳句工清宵，寒山隔翠微。雨風昨夜急，引領看泉飛。

起結高絕

過靈隱方丈

岸接樵吟徑，可蹤直來梵。座對前峯層，層石立雲初。起片片溪流，雪欲封有客，相携留聽鳥。何年曾到記，栽松徘徊無限生。遙感遲步蒼林出，晚鐘

吳之紀

小修謙菴江南吳江人

冬日送徐松之過虞山訪雲漢上人
蓮社宗雷舊往還幾年飛錫尚湖間
衝寒此去多酬倡好寫城頭雪後山

絕韻

董允瑄 在中浙江鄞縣人

十寺酌雪竇泉

一山一寺十山前十寺山中雪竇泉
豈有虎跑兼卓錫何知玉照與珠聯
明沙細吐香為乳碧碗初嘗體欲仙
一種餘清傳未得羅浮應繞夢魂邊

落筆不欲猶人

畢三復 在萬江南歙縣人

春初歸里贈程非二

草滿天涯烟滿河雲山有夢屬君多
可憐浪迹人猶在未識

清健

故園春若何柳市風開青嫩娜
江樓月上碧嵯峨此中莫惜連宵醉
更有誰堪共嘯歌

兩人真交 妮妮道出

瓜洲從容庵平明得句

深柳茅堂綠一窓聽潮永夜對紅缸
漫言南北人行早猶讓鐘聲早渡江

寫曉景 真而幻

張辰樞 石菰浙江錢塘人

將發黃州夜泊漢陽

大別山前一望長將歸人尚阻輕航
風生靜夜濤聲壯月照晴川閣影涼
百戰地偏繁市籍一宵夢自感他鄉
明朝又作黃州客故壘西邊看夕陽

條暢之中 自饒風骨

龍江舟中與魏青城話別

幾度秋濤欲泛槎。春深猶自滯天涯。祇緣逸興從山簡。詎有詩篇比孟嘉。清○思○秀○韻○累月風帆吹去雁。將離人意感啼鴉。使君情較

湘川永。不惜滌洄道路賒。一○往○情○深○離離蔚蔚

吳甲公○令○鶴○邨○江○南○吳○縣○人○筍香樓集

登報國寺毘盧閣

高閣崔巍北斗懸。俯臨古寺迥蒼烟。迴簷直透松枝外。曲磴斜穿鳥道邊。西擁塞垣千嶂合。東朝宮樹五雲連。憑欄不覺生鄉思。一鴈蕭蕭度遠天。登○閣○方○知○二○句○之○確○整鍊却又確切覺分寸不可移易

吳鉅蒼○符○江○南○常○熟○人○北遊詩

宣雲秋感

塞外人。家盡閉門。門前蘆荻盡荒村。燒殘馬矢冬烘。煖煮就

羊羔客。僕尊自有溫泉。能療疾。但無蘆露與招魂。翠華想像

當年事。相國何曾一叩關。尊○字○妙○字字穩重

蔣楛荆○名○江○南○長○洲○人○

稽淑子太守見招湖舫宴集

癸丑追隨正暮春。永和遺事一番新。青簾白舫虛前席。皂蓋

朱旛引後塵。鷗鷺暫同游子泛。烟霞久與使君親。香山千古

看山遠。今日西湖得主人。磊○落○不○俗○

吳之振孟○舉○浙○江○石○門○人○

送周雪客歸金陵

勝事不多有。君言吾欲東。白門詩思裏。烏帽夕陽中。旅店愁聽雪。征鞭喜背風。明年修禊日。此會與誰同。新○情○溢○發○

道傍見新綠

風雨連宵如病身，纔舒青眼到江濔。
偶從堤畔驚新綠，却向東風識故人。
茅逕橫斜圍土堠，燒痕依約沒車輪。
歸期數徧江南北，花發酴醾已殿春。

喜其不作纖小語，獨有樂府風味。

中流舟幾覆泊船定東隣舟黃崑瞻

起○得○寒○我○
風撼橫塘決巨瀦，天吳出沒舞蛟魚。
憐君宦海愁如許，笑我征途計轉疎。
幾作騎鯨追太白，可能懷石弔三閭。
一壺不廢千金貴，黃帽休誇拖力餘。

是風波既定後語

呼谷

德下江南崑山人

范文正公祠

奇峰峭壁倚青天，想見垂紳揖笏年。
一事未酬虛卜相，萬言

先○夢○後○樂○事○竟○此○願○

雖獻孰安邊，寒烟鳥下侵塔薜。
殘葉僧行及井泉，隔隴何人

吹牧笛前山，猶種義莊田。

却是天平之苑，祠語語典確。

黃初緒

繼武晴筠江南長洲人

喜汪蛟門移居相近賦贈

一身成飛蓬，寂寞鮮儔侶。
寤歎何人知，搔首空延佇。
與子喜同調，畢景共笑語。
猶恨相距遠，晨夕或時阻。
忽聞移居來，欣願近德宇。
相對如清風，步履疑忘溽。
暑小齋僅尋丈，何殊廣廈處。
琴尊次第陳，篇翰流連叙。
探義窮至賾，直與追往古。
微言通惠莊，懽謔恣音吐。
神超境自適，聊復安環堵。
攜手行逍遙，浩歌響空廡。

一往見友朋至，誰非徒筆墨與陶家相近。

飲曹峨翁獨笑亭

高會真梁苑相携慰寂寥賦詩宜刻燭博塞任呼臬殘雪迴
風墮寒更清漏遙留賓投轄飲且弗負今宵
調愜而神爽

清明日郊外送朱錫鬯之揚州

底事淹留歲月闌頻逢歸客拂征鞍城頭暮色催人別江上
春風野渡寒

沈蕙纒 馨聞浙江嘉興人

秋日歸故園與諸兄夜飲

故園秋草綠兄弟此樽前尚覺門庭在空悲宿昔年一聲鴻

雁度三咏鵲鴿篇醉看南樓月輝輝到席邊

情事宛結

金肖孫 瑞枝虹亭直隸清苑人

短遊詩

撲面飛沙積流觀眼欲逃堤長惟收犢夜盡未鳴雞僻店人
家少隆冬曙色低逡巡驢背上緩轡過橋西
風景令人不堪甚矣遊之

曹戒當 禾頌嘉峩嶺江南江陰人

送施尙白遊嵩山

中天起中嶽轟轟搯乾坤烟雲蓄萬古河洛氣吐吞二室造
化奇石室藏書存玉女霞衣鮮搗石當牕門古來登封地足
跡何其繁自從歐謝後遊者不復論疇曩結遐契神遊莽翩
翻虛糜比斥鷃枋榆共朝昏東山僻泉石脫畧軒冕尊天堦
墜秋葉乘秋發華輶寧尋鬼谷術欲訪玉喬言遐踪雜歌嘯
從此林巖喧勝遊寡儔伍玉漿嗟獨餐君是濟世流胡為樂

丘園舉盞祝嶽神母滯朝京軒

典麗秀簡是為結胎于選而取裁于杜○丙辰秋峩

嘯泊邗上叔定招向百尺梧桐閣把酒論文許以新詩見寄望之杳然僅從文集錄此一首殊悵快也

長安夜發留別龔芝麓年伯

柳暗金鋪日欲曛絳帷命酒惜離羣玉珂舊拂螭頭月珠勒

新携馬首雲歸路落花衣上集別時橫吹客中聞平津閣下

多佳士可憶西京諫獵文娟秀之姿遺世獨立

錢光繡聖月浙江鄞縣人

峽山題壁

垂老扁舟怯鼓鼙梨花寒食轉淒迷安○慙○重來此地留鴻爪懶向他鄉趨馬蹄閱盡風波憐倚伏儘教炎冷判雲泥明朝屈指

河橋路黃鶴峯前落照西

感深故詞急

譚吉璉舟石浙江嘉興人

鴛鴦湖櫂歌

水市花船一樣窗龍淵學繡一條江憑誰移箇龍淵塔學繡

邨邊也作雙極似劉夢得竹枝

勤王子弟秀州多路接臨平百里河舊是蕲王駢師地羅囊

錦繖夜深過梁氏會世忠于秀州勸之勤王

花時午日白荒荒最愛鶯啼半邏塘一樣橋頭打雙槳郎舟

雲母妾沙棠水邊簾際如見其人

潘江蜀蔞江南桐城人徐亮草

麻王集

長路爭凌晨稅駕日未晡村店人馬稠雜坐吹笙等手持白
玉鞭腰懸金僕姑或言走江西或言適東吳非兵亦非商分
道徵官逋嗟彼讀書客累年羈皇都長安米不飽無計營吏
胥崔苒始補官裘敝黃金無負緣貴人門操劑假微需借日
不滿百之官已千餘追呼行且至安得無貪汗必若救斯弊
惟有清仕途壅滯盡疏通吏胥廉且愚目送人馬去赫赫威
焰殊不知何方民危哉肌與膚

極言京債之
害可謂切骨

黃茅岡次東坡韻

風吹日落黃茅岡俯視烟際驅牛羊仰看碑刻滿石牀蝌文
鳥跡何蒼茫青山巖業河流長古往今來空相望蕪公不狂
誰當狂

絕健

湯

格

天若江南金增人
南榮山房集

江晚

不分山月影那見雁行稠嘹唳一聲訴蒼黃兩岸秋亂雲顏
後浦零火識前洲疑是星初落迴溪未可收

造異標
新之作

曹持原有天長之行訪余江閣

偶爾扁舟過同為離別人江湖隨遠近蓬梗合酸辛此地一
回別中宵兩路均故交千里意多半逐風塵

空澹却
深細

秦

鈺

克繩補念江南長洲籍無錫人

秋分日尺木堂雅集卽席限韻

中分秋色桂方葩刻燭飛觴興自賒小苑涼風催去燕疎簾
微雨溼歸鴉風流共擬三珠樹勝事何須八月槎為喜樽前

秀情掠紙而起

人似玉幾忘身世鬢將華

風流相賞

鄧林梓 肯堂江南常熟人

送周伯衡先生還楚限韻

歌罷驪駒柳意青春帆穩送使君星雁迴五渚皆芳草人過
三山入画屏一領輕裘雄顧盼數行飛檄走雷霆幾番醉倒
宜城酒莫忘離筵勸淥醪

風韻特超

葉舒崇 元禮江南吳江人

懷宋牧仲

小閣燈紅亂舞衣留髧幾度夜忘歸最憐聽盡箏郎曲繡被
薰香漏已稀

此事如何可忘耶

王九徵 明侯福建侯官人

重遊鳴水巖

夏日重過碧嶂間白雲深處共躋攀風聲靜入千林葉海氣
青生萬仞山客裏健游貪徑險年來多累愛僧閒幽巖永日
消殘暑月色初從鳥道還

是七子高調却
不膚泛故作

陳檀禧 延喜江南丹徒人

北固山中懷人

晚雲無定相幻出琉璃色青嶂靄重昏茫然不可識須臾素
景寒坐我冰壺側忽驚衣裳冷微聞松露滴山靜鬼火青夜
深風樹急不覺恟恍間遂令千思集懷人渺何許佳會杳未
的指顧失所歡能不感今昔春華變秋草魂夢時相憶

清思

澹韻是山中
人酬贈之作

曾王孫道扶浙江秀水人清風堂集

富春道中

驛路名山應萬重。臨江落日照青楓。丹青莫訝黃公望。生長層巒疊嶂中。
可見不觀奇山水終難作畫師

有贈

銀燭華堂照晚粧。羅襦寶帶坐生香。但容錦瑟能相傍。何處他鄉不可忘。
柔昵

蔣日成庶來江南長洲人

燕山雜咏

金遼曾創業。此地遠樓臺。一世雄圖盡。千秋帝子哀。銅駝生蔓草。古殿鏤寒煤。岼柳年年綠。啼鴉空自來。
○何○筆○力○ ○含○情○無○盡○ ○哀調出以雄整

萬馬開新戍。城頭壯鼓聲。長河山脊斷。沙磧野雲低。地接黃龍北。天開督亢西。雖然居勝勢。控制在提携。
○是○北○地○之○景○ ○絕

極望長安道。朱輪盡日過。無風常舞雪。有水漫成河。小院調鸚鵡。天街卧駱駝。忽聞邊雨急。落葉薊門多。
○是○北○地○之○景○ ○盡馳行樂而不慮秋風之

至也此作者之意

整轡挾金丸。銀貂錦繡盤。挽強當日下。飛箭沒雲端。鍊烙凝

羊乳。紅爐炙馬肝。琵琶彈夜月。武帳卻春寒。

校獵長楊地。觀兵細柳營。野花熊館落。春草雉媒輕。陣久黃

雲合。風高白鏑鳴。馬前狐兔滿。鼓吹向平城。
○遺○雲○之○調○ ○足抵長楊一賦

兩岸門如市。城隅隱萬家。薊丘風落木。黍谷雨催花。馬糞人

藏火。羊肝飯有沙。魚蝦靜海至。官路鼓頻搗。
○新○句○ ○風俗一譜出

顧景文景行江南無錫人楚遊詩

江路

江路迂迴江岍平。鯉魚風急正揚舲。荒荒野燒寒初上。泯泯東流晚不停。禾黍高屯依魯肅。笙簫古廟祀甘寧。巴僮笑指蘆汀畔。野鹿拋殘虎氣腥。

孫夫人廟

夫人遺廟枕江濱。烟火千家隔岍分。珠殿曉聞傳箭急。玉衣時取練香薰。愁深欲灑英雄淚。怨結難行早暮雲。三國英雄灰滅盡。低頭却拜縷金裙。一結感甚

陳 鈺其相水壑江南寶應人巢園詩鈔

集陶園池上

宴會宜清秋。園林日遊涉。松翠滴烏巾。侵齒響黃葉。池水何澄泓。駕言浮輕艤。裊裊芙蓉姿。臨波炫嬌靨。返照罨晴嵐。青蒼映睂睫。氣爽酒易傾。冷然幽興愜。蕭然冷雋

村晚即景

蕭蕭落葉響荒村。返照來穿竹裏門。白髮老翁真可画。不扶藜杖只扶孫。真意可画

酒家婦

少婦當壚劇可憐。秋波留客笑嫣然。王孫上馬頻回顧。遺下玲瓏七寶鞭。正是六朝風調

聽隣家理箏

小院香分鵲尾烟。隣家低按十三弦。不知玉貌愁多少。但覺

銀○箏○泣○杜○鵲○

但聞其聲而愁可知

寓海陵陳太史園林感賦

時太史以言事被謫

雨○霽○林○塘○碧○四○圍○殘○香○漠○漠○冷○春○暉○護○花○鈴○斷○無○人○繫○只○有○空○亭○乳○燕○飛○

董文驥

玉虬易農江南武進人

秋日龔瑯霞携酒楊氏園春曉閣卽席用工部韻

秋○林○猶○半○綠○秋○水○已○全○清○宜○宿○娟○娟○鷺○何○須○樹○樹○鶯○生○涯○憑○

解○舍○歸○計○信○蕙○衡○宇○遙○相○望○幽○尋○取○次○行○

用筆蒼老

屋○角○隨○巖○轉○窗○疏○向○水○開○秋○光○猶○老○桂○春○意○欲○驚○梅○雲○過○籬○

邊○補○天○圍○樹○杪○來○花○時○須○數○到○紅○素○點○蒼○苔○

寫景都極曠異

沈世奕

韓倬青城江南長洲人

歸舟雜詠

扁舟歸去隔天涯對此茫茫轉自悲古寺殘花還歷亂野塘

芳草故迷離不堪日暮孤帆影况是春風寒食時便到江南

烟○水○路○五○湖○何○處○覓○鴟○羹○

韓倬夙聯編紵讀此詩如見休文風度

楊自牧

預齋直隸昌平人

流沙寺

迤○邐○白○浮○堰○舍○利○塢○相○并○其○寺○日○流○沙○建○置○自○皇○慶○邈○矣○四○

百○年○不○見○金○象○盛○荒○園○墜○色○入○破○壁○夕○陽○映○碑○文○半○在○土○毀○

蝕○亦○難○認○相○傳○有○積○金○祇○園○或○可○證○盛○衰○亦○人○爲○空○王○祇○靜○

聽○因○之○念○浩○劫○但○禮○山○僧○磬○

寫荒刹十分刻至而全詩亦適緊

二關

詩觀二集十一
定本

千峯排劍戟如護舊邊城蒼鶴窺蛇入烏鴉報虎行荒叢西
日隱衆竅朔風生列戍何年事空多塞上情
結得有意味

駐蹕山 即金章宗棲雲嘯臺處今已湮沒山壁悉琢梵宇不可識

那是棲雲處天然萬笏長草痕高卸日山骨峭凌霜鳥譯疑
何代人烟渺一方更呼頑石問若箇趁毬場
相傳昔章宗擊毬此山石羣起

若觀章宗皆以醉灌之今浮白猶存俗名灌石

暮秋遊岫峒厓三首

貧病名遊廢三年違此山共乘秋日暇相與一追攀古樹浮

空小驚泉鬪峽彎盤盤凌絕頂身已出人間

萬壑隱孤秀峰頭羽士家懸流疑剩雨落葉亂殘霞閣峻秋

陰伏山空暮景斜何人自西嶽移種石蓮花
中峯負有石如筒突俗呼為蓮

花

晚坐空山寂樓危怯獨依青林寒佛火白月淨巖扉細把藤

花酒重添薜荔衣三更扶杖去高咏謝玄暉
鈎剔山水畧無餘情而不

減風韻

九龍池

一池空碧卷寒秋今日何堪更此遊不見玉綸開荇藻徒傳

翠輦駐松楸牆低曠野狐踪亂殿冷荒山蘚印浮客到臨流

還嘆息昆明別有劫灰不
憑弔意蒼深寒警讀過如聞四壁哀蛩

贈常道士自華山歸

曾攀太華最高峯自在隨身紫玉筇神色不驚千尺峽嘯歌

還倚萬年松秦時仙女雷遺跡宋代真人有秘蹤試問題詩

詩觀二集卷之
慎墨堂

在何處定携風雨到蒼龍
○超○然○
愛其氣逸

天壽山二首

玉柱淒涼石獸眠陵山豐草鬱綿羊神宮篋簾棲何地原廟
衣冠罷幾年魂落松風驚謾謾泪添池水恨涓涓蓬鬆雪髮
中官在一片荒丘當俸錢

紅門迤邐路偏長苦月荒風似北邙遊客任登三級殿陵軍
空守四圍牆神逢抱犢誰為李○懷○語○手種冬青不用唐○不堪○再○讀○何幸
此○是○盛○德○事○彭零金碧在重培宰樹禦牛羊○不○堪○再○讀○唐何幸
預菴家營平密邇故陵應有此悽麗之章裴回舊事

劉諫議祠

諫議祠堂入草萊獨傷往事思難裁裴韋是否求賢相李鄭
如何謀國才雲暗曲江千古汨風流象郡兩鄉哀○唐○公墓在柳
州柳人立

廟祀○今○登○科○諸○公○制○色○他人制策成灰燼曾喫紅綾餠餽來字字典實

謙六沈酣風雅尤篤聲氣南游而訪余于選樓

意良殷矣詩俱英剴無凡近氣當與寓內見之

赤壁懷古

憑吊蕪公慷慨多時宜不合奈余何嘯歌今古同樽酒俯仰
乾坤有蜀羅廣漢秋風驅雁鴉大江明月釣鼉鼉摩娑兩賦
偏生淚也許窮途阮籍過○襟○度○不○同○流○輩○氣魄大
議論高

陸慶臻集生江南華亭人

同趙使君宿晉祠作

朝陽古洞白雲橫洞口應逢衛叔卿月出迴聞鸞雀下栢歌
深見馳驅行手摩石碣燈前字夢冷星源瀉後聲明發登臨

還不厭知君山水有餘情

正派詩却
能不熟

顧有孝

茂倫江南吳江人

送沈留侯偕小阮雲襄北上

春風楊柳拂行舟有美聯翩共遠遊人誰陸機新作賦依劉

王粲故多愁舊京珠履三千士荒塚冬青一十秋湖上青山

無恙在獨持杯酒對羣鷗

機調最逸其蓄
意在筆墨之外

徐增

子能而菴江南吳縣人

賦得金陵舊燕

燕子磯邊慘淡飛金陵城裏見偏稀齊梁形殿生芳草玉謝

朱門挂夕暉萬里天涯空紫領百年風景只烏衣故園茅屋

今無恙欲買扁舟載汝歸

似是含懷而
語意深婉

練貞吉

石林河南永城人

與客話浚儀舊事

禦亭舞罷月昏黃一別黎關道路長無那柔條輕折取十年

風雨怨襄陽

情知不是少年時一寸芳心事可悲花月揚州金鎖暗獨携

檀板教紅兒

人生有此恨事
應以艷筆寫之

黃之翰

大宗江南山陽人
曉岫閣詩

擬陶九月九日

暮秋景色高良辰日重九黃花綻東籬茱萸復盈手新秫釀

已成登高携一斗氣候何澄鮮呼我山中友人生值佳節同

樂亦非偶

是陶公
襟情

董元愷

舜民江南武進人

毘陵竹枝詞

古刹龍興跨水潛尋春徧拂柳千絲阿儂爭渡河西去重整

湘裙拜海祠

偏寫得娟然

野花斜插翠雲鬟繫艇斜橋水一灣細印香泥南陌去三間

平屋小茅山

幽而媚

劉中柱

砥瀾雨峯江南寶應人燕遊集

春興

六代風韻

草長江南身未歸雜花生樹亂鶯飛松間屋暖親開徑竹裡樓深婦閉幃客枕半欹貪午夢鄉書不至缺春衣濁醪賒得還須醉疊翠西山又落暉

新調苦情

集錢葆芬宅聽曲

葡萄浮玉椀楊柳挂銀蟾最是關情處歌聲在画簾纖手撥鵝絃嬌喉如擊玉座中孤客多莫唱江南曲

聲情並妙

燕京雜咏

慈仁寺裏市初開寶馬雕鞍雜沓來翡翠明珠爭欲買無人

解得看松回

看松另是一輩人

馬絡金鞍曳寶車佳人側坐撥琵琶聲聲似唱江南曲雙辮

盤頭滿插花

竟是新樂府

迨俊且菴河南祥符人家揚州頑鏡手錄

遊上方寺

登眺還何處移尊到上方隔江山對寺平塹草連岡颿動春

雲白僧歸夕照黃隋家碑盡仆無地問雷塘

沈

定本

曉發

仲冬行路難。霜月落前灘。離店鷄聲在。同舟人語寒。計程鄉
乍遠。作客夢粗安。今夜孟城泊。珠光倚棹看。
寫曉發之景逼真

陸元泓 秋玉江南常熟人 水畧廬稿

孫武橋春望

步屨春風酒易銷。西邨人語覺途遙。歸航競逐桃花騎。落日
低垂楊柳橋。
字字韻

河北劉賡菴先生客葬半塘

曾云歸去總天涯。三尺荒墳萬古家。若箇年年弔寒食。半飢
荒酒滴桃花。
感悼乃更斌媚

湯傳楹

鄉謀江南吳縣人 湘中草

寇警志憤

北來望斷雁書通。鼎沸河山一帶紅。無數征車迴蜀道。相傳
烽火照秦宮。建康風雨清塵待。長樂鶯花後乘充。自是江東
多王氣。不教殷浩領元戎。
惡馬阮也而言之婉篤

陳希稷

育民簡菴河南夏邑人

黃樓

有○高○晚○一○切○之○槩○

彭城城闕起黃樓。樓下黃河日夜流。風土猶傳楚戰伐。山川
已歷漢春秋。夕陽野坂全歸馬。東渚平田盡飯牛。疊嶂宣城
髣髴是登臨。如與謝公遊。
豪宕感激儼與黃樓爭雄

鄒祗謨

詩士程邨江南武進人

青兒絃索行有引

青兒者楊中丞家姬也楊故後諸姬各散姬遂為文友家僕婦酒酣間使隔屏度曲董子玉風因言楊家姬有寵于吳中其鉅公者姬聞鳴咽曲未終而止因思梁范縵云人如落花俱開一蒂或拂簾茵或墜墻溷人生因果亦復何常雲孫日念及青兒行自念也因作青兒絃索行而余補和之

華陰越公好聲伎星缸夜夜銅盤膩妙舞渾如南路徐新聲不數西京李筵開玳瑁矜鶯簧銀河欲轉心徬徨遙遙珠帳沉紅霧深鎖鴛鴦十二行越公已老蛾黛掃綺園金谷多青草阿杜雙釵別餉人綠珠一斛空稱姣就中有伎字青兒舞衫薄命悲數奇邯鄲自古歸廝養宋禕何時作教師追憶十年供画席飄零長伴厨娘側聞呼試着夏侯衣彈阮復憐司馬客今日簾中為我歌屏風三尺疑猶多南調北調檀板合

○筆○果○酣○飽○不○讓○連○日○長○恨○諸○篇○

三絃五絃銀甲和欲斷不斷亂珠雨叢鈴碎珮穿金縷曼聲一發皆悄然風箏估栗霜蛩語其間有客長歎息歎息紅顏故不測為言越公聲伎二十餘雜浦他人得珮珠誰侍鴛衾

金鎖帳誰投犀盒紅羅襦○傷○心○只有青兒髮半綠酒酣自擁長鬚

奴青兒聽罷淚於邑哀絃危柱聲聲急蘆花楓葉滿江洲月○借○題○

催寒點空庭溼我欲為之賦杜秋中心歷亂多煩愁自古烏○發○其○嘯○歎○

孫黃鵠文姬拍明妃青塚義成謳今日郝家奴子鄭家婢雙

雙猶得稱鄉里一生長傍主人恩半老徐娘風韻存請姬為

我彈盡鴟絃曲人世繁華且莫論董生大笑頻呼酒羯鼓遠

歌催擊缶螺卮滿泛酌嬌歌便教且住挨纂手○照○應○次○第○

有法○一番叙述一番悲憫
一番慰勞許士何其情長

董以寧 文友江南武進人

靖難八駿圖歌

按燕王靖難先後所乘八馬皆臨陣被箭而燕王不傷馬亦不及于斃及卽位繪為八圖藏內府三百年甲甲間前
隨閱散史並悉其所戰之地按圖差次竊為之歌
 赤免霹靂矯若驚渾身汗血桃花明白溝河頭雄縣城先後
 哭陣奔雷霆還疑火擊金作聲卽爾神物變化成龍駒噴沙
 雙眼瞪似嘶不嘶怒未平拳毛瘦削霜蹄輕渡河冰合鄭村
 行景隆豎子無安營烏兔一疋鐵錚錚東昌獨殿接短兵負
 護雄王歸北平乃知爾是房星精飛兔騰達千里程往來夾
 河如流星金羈王勒嘶不成鬣張嘴裂氣憤盈盛庸三軍誰
 敢撻飛黃柘色微帶頰跳脫超忽雲中擎大風颭颭吹貝纓

藁城一路平榛荆銀褐昂昂吭欲鳴玉花獅子不足名霜臺
 雪練皚若瑩淝河夜渡如遊鯨束炬四舉不見形真龍乃得
 空中行棗騮棗騮爾為驛小河北坂勢幾傾被掣欲蹶不閃
 睛展看猶疑毛血腥一躍入陣何咥咥黃馬橫奇勢欲爭戰
 渴不飲河水清翻身起視前行旌靈壁一捷大勢并旋趨金
 川罷鼓鉦此馬牽來玉作鈴與前七馬俱縱橫至今圖画還
 如生
○勃○絕
 幕寫八馬凜凜皆有生氣此為詩中
 之史較子美兩馬諸篇更有關係
 魏世傑 典士江西寧都人

宿金精洞

丹壁髮垂青千年長不櫛海棠石上花風落亂如雪

寫得韻

八月初三夜

石閣火層層竹窗風習習夜闌人未眠秋雨滴荷葉

定本甚幽

王 潔 汲公直隸大興人幽居山房稿

金山

七級凌峯頂虛窗總不扃層嵐開錦繡急浪走雷霆斯世宜
多故高天果獨醒相看只尺五敢欲問青冥 造句用意都別
明月生東嶺波光一鑑開欲看甘露寺更上妙高臺黃鶴千
峰去蒼雲萬里來無端吹簾築喚起洞龍哀 結得

吳肅公 晴岩江南宣城人街南稿

雪色中遂下湯嶺抵焦邨

霏微早雪隱高松着處寒冰拒短筇
芒屨信從青嶠落丹臺背指白雲封
山厨劈竹泉相遞村碓銜谿水自舂
我亦悠悠

心不競平林霽色晚從容

極追琢而無跡天然好詩

柳 葵 皆公浙江杭州人餘清堂稿

采茶行

桃花被風吹樹底飛紅雨向曉鳥聲多
啾啾鳴翠羽殷雷地中發黃金芽漸吐
婦女各携筐相將向山塲枝頭掇其英
俯身猶偃僂清晨露中立不敢更言苦
二月已徵茶俱言進內府仙人掌幾何
此鄉少寧宇竹編焙新成追呼竟如虎
取携任所欲趨迎誰敢忤但恐色味薄
還遭官長怒春和不解愁嘆息常閉戶
如此幽事難免追呼可為三歎

柳枝詞

陌頭楊柳作春愁日向東風舞不休
為報画眉人未返長條

莫遣近高樓

大有情味

陳琅

石房福建莆田人

青溪述懷

年來只作信天翁。幾度山窮水又通。對鏡數驚霜入髮。逢人益信道張弓。花游不厭當壚酒。月詠時聞講寺鐘。自哂幸存雙屐在。牡丹奕奕艷東風。

多見道之言而興趣不減

王翊

翰臣江南嘉定人

宿董氏山房

中夜虎渡水谿樹。初風生颯颯。吹哀湍。衆山皆有聲。深庭久無月。黯然三四星。憂人獨求醉。釋此離居情。

寫得危

露筋祠

野岸蒼涼水不分。秦郵星月映微雲。孤舟悄向祠前泊。商女挑燈說露筋。

他人說事此獨說景妙在箇中

周榮起

仲榮江南江陰人

早春江郊探梅

不謀同趣趣閒雲。到處隨心寄遇欣。日煖乍烘寒玉放。風柔

全○于○此○中○領○出○梅○花○淺○人○不○解○

催發縞衣薰竹圍。江港潮初漲。人到山樓磬自聞。一片氤氳

幽恬香細正是看梅好詩

香世界。大堪投老謝翬氛。

何龍文

信周福建晉江人石鼓傳音

謁閩忠懿王像

猶是生前七尺軀。當年曾此闢雄圖。深秋故國池灰盡。白日精靈佛火孤。半夜松聲悲鐵馬。一江湖勢落征袍。南唐北宋



均何在憑弔西風背夕鳥

圓而警覺字
字有精神

夏洪基

元開礬山江南高郵人

新城夜泊遇雨

停橈宿江滸山靜暮潮平估集臨溪市漁吹隔岸燈菰蘆聞
一響風雨欲三更明日金陵道烟波可問程

筆有靈氣

登燕子磯有感

強試登臨展行行歷翠微江山今日好風景昔年非黯淡來
秋色蒼茫送夕暉新亭諸子淚更見幾人揮

過江洗馬
有此蕭瑟

車萬育 與三湖廣龍陽人

紅梅

豔逐香魂照酒卮孤光徒倚任風吹分來舍利成行樹擄取

珊瑚徑尺枝自有絳紗籠侍妾何須縞素問湘姬天然麗質

誰相似鄰女施朱太赤時

天然艷冶
如觀洛妃

沈奕琛

石友貴州普安籍江南高郵人

紅梅

羅浮僊蝶夢微茫和到陽春欲繞梁共羨莫愁眉暈淺還憐

解語口脂香卿卿風節寒偏見爾爾光儀醉不妨誰道嶺頭

三百樹杜鵑啼徹變孤芳

妙在脫與石友別于衛源距
今二十五載矣寤寐良勞何不

出篋中集以
慰停雲之憶

沈謙 去於浙江仁和人

園花周都司祠堂

墓門秋草画旗懸頗憶將軍戰伐年一自青山歸馬草至今

滄海靖蠻烟。土花寂寂金戈掩。沙雨瀟瀟石獸眠。為道樓船
○有○勸○戒○意○他○人○說○不○到○
新幕府未應惆悵看飛鳶。
全詩莊重
而結更妙

王鴻緒 儼齋江南華亭人

獻縣

客久馳驅慣。凌晨獻縣過。黃雲連鉅鹿。紅日散滹沱。地勢迎
關壯。山形入冀多。無邊臨眺意。俯仰一高歌。
氣槩極好
却自精當

小集次魏惟度原韵

五茸城頭白日西。九峰窈窕歸雲迷。上客騎馬來蕭寺。主人
斫鱸臨青谿。銀甲泠泠花下響。玉壺瑟瑟崑間携。相如昔有
美人賦。醉裡還看爛熳題。
風格老
而媚

于覺世 子先山東新城人

望巢湖

長湖三百里。四望豁江天。日氣來殘雨。風檣落曉烟。環城一
水濶。隔岸數峰妍。南國春花早。遊歌半扣舷。
此句妙
觀此一詩居
巢長自爾韻

勝

蔣伊 謂公莘田江南常熟人

許昌得章載弘使君書。
時座中遇白門人
偏度曲偶有西賈
獨樹荒墻外。雙旌列肆東。小謳逢白下。大賈自關中。題在懷
司馬開樽憶孟公。一緘多慰藉。未覺阮途窮。

秦淮贈別

昨夜宿盧家。朝來蕩漿斜。一雙金屋燕。十二碧闌花。舞袖籠
香霧。春裙襯落霞。渡頭明月滿。無語對秦嘉。
華艷之詩結
得邈然自遠

曾燦

青藜江西寧都人

玉川門訪六菴不遇

山勢穿風磴泉聲出谷門幽人何處去白日又黃昏○盛○唐○木落龍

溪靜天開獅子尊杖頭苔蘚在留與護雲根

魏水叔極誇玉川之勝此

一詩可想見

從嚴州上新安作

飄泊投何處茲行歲已闌○老○極○漸江三百里逆水幾千灘漁子依

潭立人家傍嶺安始知風景好昔未得曾看

劉書

清隱江南江寧人
盧渡吟

登普德寺山

古徑盤迴長翠苔寒松千尺倚雲裁長干臺殿層林外日上

高峯塔影來

光景妙能寫出

劉元徵

夢聞直隸六名人

村居

陰陰榆柳繞長溪犬吠柴門迎郭西溪樹巢多喧野鳥短垣

地靜過鄰鷄耕耘比戶風猶古蝦菜隨時價自齊○村○居○第○却喜山田

完稅早不愁里正逼人啼

雅飭而多風韻

張鴻儀

企麓直隸元城人

冬日集天雄書院限韻

朔颼逼歲寒角吹嚴城暮鄉月上選樓客星明驛路公閒折

東招勝集清觴具刻燭韻重拈論心人盡素江郎筆綻花樂

令談披霧吟繼初中盛體兼與比賦歸途縱馬看冰花白滿

樹氣體從容務臻大雅

李振世章鹿直隸長垣人裕昆堂集

黃河晚渡

輕裝匹馬足遨遊，柳裏于今是渡頭。不學祖生空擊楫，聊同范伯一乘舟。洪河日暮蛟龍舞，滄海雲生鶴鶴愁。前路沙寒邨樹杳，停鞭何處問壚頭。
○氣○象○甚○偉○
綽有豪情
看端欲舞

蔣 玠絢臣福建侯官人紀遊草

龍興寺

曾道潛龍口，山書第一碑。布金傳帝力，卓錫選僧持。獅吼禪心靜，烏流劫運移。滄桑原有數，塵界總難知。
結語悲甚

紀 昉仲壽直隸文安人拙菴詩集

送王二歸秣陵

分憶離塵遠，樹平鶯啼江。上正春晴歸，雲隨路王孫。草曉騎垂鞭，公子行筍杖。煙霞堪自固，鹿巾詔問欲相迎。暫看楊柳垂絲地，戀戀花飛繫別情。
○風○流○在○日○
明秀如雨
後新花

徐士芝恒吉江南吳縣人

送吉生歲暮之揚州

寒山鐘晚就江舟，唱徹驪歌不可留。迢遞關河驚歲暮，雪花飛點鷓鴣裘。
娟娟
楚楚

程瑞初且伯江南休寧人

京口夜泊

一別家園隔幾程，蕭蕭江上暮山橫。吳歌唱歇櫓聲續，鐵甕

城邊月正明

低聲緩歌正
自風情澹遠

胥庭清

永公江南江寧人

御教場

在鳳凰山頂南
渡宮中鍊兵處

十里松高御路平孤峯片地捲龍旌山巔只好看燈火湖水
那堪洗甲兵破寺頽垣留落日空天怪石轉流鶯裴回不盡
悲笳恨一片江流戰鼓聲

其氣蒼莽不戢
鬪奇于字句

湖心寺

與君閒步上天關囊盡朝霞不肯還獅子峯頭雲獨起乘風

吹過鳳凰山

好眼
光

望海亭邊客到稀懸崖僧舍入雲微一天潮氣衝山頂變作
烟霞滿洞飛

幻

波底遙分過嶺寺船頭看盡隔城山蘓公堤上踈踈雨染出

蓮花幾點斑

真極

永公以梅花書屋詩稿見寄忽赴召玉樓
予未忍負我友之意也為錄以志人琴
鄒溶可遠江南無錫人
時保堂詩

病餘

拂檻東風布帽偏綠紗窓下繡臺前閒聽短笛悲城市却憶
寒簑夢渚田紅雨懷人愁向晚青山作客病多年藥鑰茶碗
尋常事賴是幽棲近輞川

西崑有此雅艷

李蘭

蒼逸江南興化人

秋日送家兄元又之白狼

扁舟將覽勝憶昔我曾遊地盡山纔出天空海獨流桂香浮

古寺鶴唳響高秋。縹緲樓雲閣。應消幾度愁。

兵阻

雙槩兵戈路孤村。風雨時人烟稀野店。老樹立遙陂。艱阻多。
歸夢登臨已後期。江南花不見。苦憶故園枝。
起○得○老○健○
寫得蕭涼而筆能英爽

任西邑 幼瞻江南宜興人

擬古

嗟峨洛陽城。甲第自相屬。卑址壓盤螭。高甍礙黃鶴。倏忽青
蓋移。銅街秋草綠。曠懷天地間。毋乃傷踟促。北方有佳人。慣
侍遊俠宿。皓腕脫黃金。清姿比寒玉。未解動邊愁。猶唱忘憂
曲。一聲倚高樓。數闌協絲竹。何者為悲歡。流光一何速。
○時○態○長○然○
○似○後○而○厚○
○結○得○淡○轉○警○
自人

乘時據要津耳其如各有懷抱何

鄒顯吉 黎者江南無錫人湖北草堂詩

客中上巳

客裏風光總寂寥。執蘭採艾重相招。多憐春暮纔三日。只是
人心羨六朝。新水依微侵野陌。柔風婉轉動長條。舊山花月
何人醉。獨自天涯典敝貂。
思緒婉至

沈希亮 信英江南吳縣人

春鳥

羽尋芳去三春不得閑。迭飛依野翠弄影。向香鬢風急愁
紅雨林空愛小山。六朝青草變猶自語關關。
結語大有與感

鄺日晉 無傲廣東南海人

佛山送別張虞山

歷盡珠崖夕照陰。故人萬里共長吟。西風一別千山夢。明月空留古道心。萊綵定知將母急。其棠猶戀舊枝深。相期黃石他年約。三月桃花水上尋。
機圓緒密是沈酣斯道者

諸嗣郢 乾一勿齋江南青浦人

夜集倦山書屋限高字

閒把茱萸試濁醪。西潭秉燭照蓬蒿。青山意氣須同惜。白髮文章儘自豪。露滴桂花傳暮管。風搖松影帶秋濤。醉餘盡整田冠坐。狂態爭如落帽高。
幽香靜致如親蘭桂

張康 九草江南泰州人知拙堂稿

柳枝行

河堤自古鐵與石。近日河堤柳枝塞。前歲河工未告成。今年

柳掃又頒行。官糧一石柳一束。三倍稱來猶不足。胥吏如狼

橫索錢。催頭那顧人家哭。楊柳青青滿舊堤。連年斬盡不生

穉。滿船載向湖邊去。積久堆堆化作泥。君不見邵伯鎮南幾

千戶。晨炊半是吳陵樹。
此等弊惟書生能知之言之而誰為聽之良可太息

夏駟 宛來浙江嘉興人冷然堂集

陽難

疊嶂週遭碧蒼茫。去任間萬松明遠雪。一碓響空山背日。柴門閉穿雲樵路。閒此中真可樂。漂泊幾時還。

二十四橋

古溪無水與橋平。柳自青青月自明。千載香魂銷不盡。春風吹出玉簫聲。
絕作

張吉

王士浙江仁和人

送董吳子歸四明

黃鵬乍嘯助離情。惜別朱絃調不成。山入四明春樹渺。潮分兩浙布帆輕。琴書漫憶尊前話。風雨愁看江上行。回首西窗。酬唱地。知君幾上甬東城。

秀穩

陳

澣

伯熊福建長樂人陶園集

病中看梅

採藥必雲深。頽放久謝客。豈意梅盛發。與我頭同白。天地浩然霜。林外掃行迹。歸煖一杯酒。遠慰花魂魄。

數筆全。是梅意。

黃

霖

雨相江南休寧人江都籍

吳陵春雨偶集

客興吳陵好。相逢盡故知。雨憐寒食近。人想落花遲。小圃侵溪漲。新鶯動柳絲。春光過已半。卮酒莫輕辭。

縣逸多情。使人難遣。

雨中同杜于皇諸子重過春草堂

此日招携興不窮。劇憐風雨又城東。人因歡會忘頭白。夜入殘春戀燭紅。世事滄桑隨意有。江湖詞賦百年雄。莫將尊酒

輕言別。二月蕪城已斷鴻。

靡靡處如聞。江舟夜語。

丁耀亢

西生野宦山東諸城人。逍遙遊。

泊舟雷詩海嶽菴

泊舟甘露寺。問逕米家山。吳楚移鄉語。江湖抗客顏。潮音僧去住。春信鳥間關。獨立深林晚。空墻滌墨還。

入客怯孤征。煙瀾望若驚。人情到岸喜。天意與潮平。驛路墻

編竹江門水入城一雙沙鷺並相對眼初明

二詩用意周至而機調極

秀逸

報恩寺浮屠

宰堵俯虛空凌歊萬化中神天開色相雲物具洪濛舍利風
雷護金光世界籠國初有全力今古思何窮
色相莊嚴而結語最有關

登岱

百里陂陀黛色平沈寥雲海隱霞城根盤大麓開玄極氣結
靈宮孕太清路盡三天諸象渺星分九野衆峯明倒騎龍背
追風雨日影嵐光亂捲晴
金書玉冊難此典麗而結語尤奇
登轉梯懸九坂回晴雲捲雪鬪崔嵬瀑流御帳眠青峽影借

仙人淨碧苔陰檜擎空石笋出陽輪拍海日峯開不勞斗酒

酬東帝海若名山總劫灰

自執壺觴叫帝閭敢將生死理洪鈞芙蓉城裏仙爲母蒿里

山前鬼是民註籍偶留娑劫海虛空浪踏往生輪安期不赴

峯頭約敲火松巖煮石鱗

神神鬼鬼變幻莫測

五帝之前鬼自靈軒轅封後滅遺經相傳海上牽黃狗空向

山中勒玉銘柴望幾朝埋白壁鐫鏤誰氏點青冥名心處處

搜羅盡欲揚摩崖覆酒餅

四詩只是眼空識高韞退評以雲氣蒼蒼高深之極良然

劉懋賢

愚公江南泰州人

祖命林公紫玄孝威汎舟西渚乘月過荒廬小酌

息影入春嵐流英照園圃林花覺我閒霽月紛相布歸息定

禪機孤鐘啟清悟烟青鴻渚間水白導魚路誰人移畫舫衝
 彼高林霧循潭悅空性因之散林步返駕攢陶看草樹復糾
 互啟扉夜色靜竹香侵衣履風期鑒各真笑談迥如素靜體
 峙巒岑浩歌吼庭樹遶知煙水外赤羽橫塘渡風波不可涉
 盟君指鐵墓雋致雅情壘壘來通
 一結見其風期古處

題春雨草堂

別業橫塘曲相招野鶴群塢深天失曙林迴葉留雲衆雨傳
 花氣微曛射水文因之理瑤瑟戶外任紛紜衆雨傳花氣
微妙之語

題就園

幸有煙霞供予懷未渺茫千峯隨月載半榻度溪香草樹沿
 堤變山雲帶水涼遙遙槎上客聊爾聽滄浪是右丞
一派

鄭元志

詩言勁節江南歙縣人

寓樓秋夜書所見

西粵經年闕未會戈船千里又軍興夜深何處觀營竈江岸
 沿流一串燈實事能
寫出

祇樹林中古戰場將軍下馬禮空王人烟不及荒郊骨長夜

青燐放野光

想見戰地之慘

程

祐叔子江南休寧人
文園近草

晴川閣

高閣還江岸登臨意自悠荆吳雲外出沔漢日邊流俯檻餘
 荒樹推牕望遠洲萋萋芳艸處鸚鵡贈人愁作處在筓
墨之外

卓刀泉

一水瀏然清遊人意盡傾劉曹方據鼎吳魏正論兵國鑰資
熊虎山風冷旆旌至今澄澈處想像舊英名

筆有餘勁

洞庭湖

湖水瀾淪碧晴雲帖岸飛但看波影蕩何處鴈聲微日落千
帆息月明孤棹歸岳城頻擊柝鄉思正依依

清徹

汨羅江

汨羅江上月夜靜倍愁人夢落三湘冷心悲九畹春懷瑜應
有忌攬蒹詎能珍結更有味莫惜沉寘醉無為獨醒民

全是騷情

峴山

為訪襄陽舊茲山試一登微雲墮客袂細雨濕漁罾艸際殘
碑卧沙邊衆鶩升令名日已遠淚落應何曾

結意翻得妙令人緬然

程瑞禴孚夏江南休寧人文山堂集

秋柳

顧影凋殘空自憐渭城嬈嬈只風煙倦來青眼情原重舞罷
長腰力愈綿隋苑攀條輸往昔靈和飛絮憶當年傷心何事
堪相比絕色王嬈嫁極邊

句句是秋柳而情味有餘令人諷歎

九日送別

露冷天高朔氣催那堪折柳泛萸杯行人忍負秋光好夾岸
芙蓉花正開

結得有典故

白耆子常江南江寧人

法雲寺感舊

老樹猶前代婆娑帶夕陽高樓誰叩仗塵海幾滄桑勝事餘

殘碣空心有法王功名零落盡鐘鼓亦悲涼
巷口烏衣在堂前燕子存可憐芳草路不是舊王孫紅粉埋
歌扇青山沒屐痕蕪城城下水日日為招魂
情事迢遙出以騷艷

陳治 山農江南華亭人梅華源集

憶舊

清漏沉沉楊柳風當時送客小園空春樓燭暗聞花氣人在
重簾暮雨中 水堂西面画簾垂髮髯此景

無題

腰如楊枝髮如雲斷魂鶯語夜深聞秦樓應是春風誤不遣
羅敷嫁使君 不可無此翻案

鮑鼎銓 讓侯江南無錫人
心遠堂詩

隋宮

洛陽宮殿總蕭條蕪草荒烟又幾朝秋苑何時重剪綵夜橋
無女更吹簫錦帆江上空殘照衰柳天邊屬暮樵迴首翠華
遊幸處千年愁絕廣陵潮 風華跌宕綽有餘妍

採蓮曲

雙蛾映水試輕紗借問橫塘第幾家笑去清溪最深處暗將
顏色比紅花 暗將二字入情最細

姚克家 秋瀑浙江秀水人

金明寺懷范少伯

亂雲古寺傍城隅誰滴椒漿薦大夫石室君臣曾牧馬古祠
風雨自啼烏功成不願鍾千粟身隱何妨客五湖回首會稽

當日事空餘首蒼久荒蕪

用事處極其洒落

吳琦

魏公山西襄陵籍江南江都人

看牡丹懷段觀宜

昔事驚如夢春風空自妍人違知幾載花發已三年好句憑誰和餘香獨我憐相思無可慰努力醉花前

看花懷人一字不落纖艷

病中夜雨

不寐聽風雨孤燈夜倍清靜中參世事病裏識交情寒氣偏侵袂檐流故作聲論心增躑躅此際正三更

詩最清迥

同大兄馨聞蔣子勁草秋窓坐雨

偶然成小集暮雨坐來清道氣深疇昔天真老弟兄拈題分鼎足得句亂秋聲有酒今朝事何須問世情

落落見其風格

菊圃

逶徑排新菊風霜未許侵愛香秋意滿憐影夜情深倚去嬌難着扶來媚不禁東籬今古事珍重可追尋

掃去俗氛方是咏菊詩

遣興

坐久翻無緒驅愁孰與謀淒清惟勸酒暮雨一登樓樹樹濃烟黑村村淡影浮賞心隨所遇何處是滄洲

蕭涼之思出以老潔

贈段觀宜

舉目無知已愁邊得故人快心談底事把酒惜殘春氣共芝蘭遠情同金石真休論去與在得聚且相親

情誼殷篤

欲暮聞雪

重閉柴門頗晏如無端冷氣逼窓虛雲中聽鴈方謀酒几上

好光景

呼燈未掩書兒女紛紜傳柳絮梅花錯落映茅廬擁爐忽念
窮途客慚愧青青兩鬢餘
筆意開適且復幽倩○讀末二語卽少陵廣厦萬間之意惜哉

斯人而年不永

村居

○高○岸○不○比○野墅危樓接大荒江村高下臥牛羊山從窓際青無極人對

花前晝更長去俗有方修好竹關心何事蕪名香柴門幽僻

饒深致且自微吟送夕陽
一起已踞百尺樓餘只以澹宕足之

魏公性孝友風期簡澹讀書南郊以古人自期而傍及陰陽術數及琴奕篆籀翰墨諸技而不以之驕人延陵之矯然傑出者也乃年二十八而逝人咸悼之伯氏馨聞每爲予輩道其生平輒涕泗橫出及予有詩觀二集之役因以魏公遺詩一帙見示日稍錄數章亦所以存吾弟也予因採擇而付諸梓俾茂陵有書不致遺落則馨聞之念其弟至矣

謝淳機先浙江杭州人東來草

遊釣突泉

歷下多名泉釣突名最顯三穴來王屋沃流千里遠波駛若

飛珠濤涌如輪轉初疑河漢落俯視水雪卷丹房沉青靄碧

殿映清淺而我慕勝迹登臨意無限樓中千山入窓外竹依

阪悠然似仙境渺爾與世斷矯首見黛色光曜層城晚吾願

飲瓊液甃得滌塵眼
澄澹又復藻綺

徐旭旦浴咸浙江錢塘人牧雲堂集

泛洞庭

一帆巨浸老乾坤颯颯西風起白蘋浩蕩烟波吞九水平臨
日月汨雙輪天低雲夢悲湘女水落君山怨楚臣砥柱中流

還擊楫豈容破浪學垂綸

莊鍊却帶雄情

羅自觀

上極江南山陽人代雉

送翁壽如還閩中

壽如出遊三十年垂老始還

漸喜干戈息携筇返故林
家園今日創雞犬舊時深
置榻收殘帙看山得好吟
霜鐘敲月夕夢定到淮陰
久客還鄉光景寫得歷歷

如

熊一藻

美先江西南昌人亦園詩草

早秋普通寺避暑作

林木翳然徑自適梵聲鐘韻領山幽
臨流未覺涼非水倚樹纔聽風已秋
鳥靜每忘行客度僧閒一任白雲流
於茲更作空明悟數斗塵先意外收
空微秀澹却不論入荒寂如此亦何必以寒河為諱

姚景詹

心繩江南江都人康山詩存

邗溝吊古

寒雲漠漠古邗溝愁聽鳥啼月滿頭
官閣梅花渾是夢御堤楊柳蚤驚秋
飛來画棟前年燕吹到堤邊一葉舟
鮑照重過應再賦傷心非復舊揚州
綽約風流正如隋堤新柳

姚景明

仲潛江南江都人分鷗閣近稿

同舒恭姪小飲

入想全無着謀樽且索歡楚騷同爾讀
齊瑟忌人彈既醉裘仍典高吟夜不寒
何人吹篳篥陡覺旅情酸
蕭瑟之音難為入耳

興嚴聽經後同雪芝舒恭茶話

法筵初罷講結伴過茶亭雪霽一天爽
雲峰幾點青人情貧

易聚世事夢難醒。仰面看新月。高懷入杳冥。

光景轉佳

陳啟源 長發江南吳江人

俠客行

大梁抱關人。邯鄲賣漿子。布衣高揖王侯前。臨難勿身報知已。秦皇按劍嶠函開。斬刈豪俊如蒿萊。壯夫築為長城土。辨士埋作咸陽灰。避禍逃名耕隴畔。輟耕箕坐仰天歎。揭竿一呼西入秦。秦川宮室飛黃塵。秦亡漢興七十載。戰國遺風依然在。梁都吳市淮南城。延致豪傑傾四海。使酒坐上還相讐。殺人市中曾無罪。探丸蹴鞠長安門。自誇意氣凌諸賁。一旦吏捕急。就縛如孤豚。時危匹夫重。世治鄉相尊。君不見翁伯交游徧穹壤。終然覆族抵文網。將軍雖貴不敢言。嗟哉不遇

信陵與平原

秦漢史爛熟胸中而更佐之以識可以抵掌而談天下之事

申涵煜

觀仲直隸永年人江航詩

發丹陽暮抵閭門

三日楓橋路。高帆一日回。偶因風力好。遂使客愁開。雙櫓搖江月。千峯度酒杯。夜來經虎阜。燈火照樓臺。

情事俱佳筆姿更爾秀溢

重陽後三日泊滄墅計明日即晤路易公兄弟感賦

野渡懷人欲暮天。重陽已過倍凄然。舟隨紅蓼三千里。客寄青山十五年。悲喜欲傾吳市酒。寒暄猶隔洞庭煙。別來烽火餘生在。明日相逢亦可憐。

他鄉遇故乃得之兵火之餘羈寓之久能無情緒纏綿

程

毓

育先江南休寧人遙香集

寒山尋趙凡夫先生不值

言卷二集十一
○疑○是○桃○源○
○定本○
寒山老人何處住。樵訶引入松谿路。柴門流水白雲深。啼鳥驚飛猿挂樹。
○值此境已見○
○凡夫先生矣○

西湖卽事

嚴城日暮動悲笳。南北原來是一家。牧馬聲中休掩淚。又聞水上奏琵琶。
○反說愈○
○深其痛○

程應騏 子德 江南休寧人 育先之子

春日舟行

一水載舟行。微波鷗鷺迎。片帆村景合。隔岸野花平。對酒人能靜。吟詩月漸生。篷窓還徙倚。漁火斷橋明。
○筆意雅適○
○有育先尊甫○

風家

吳卜雄 震一 浙江德清人

除夕

三冬愁戰伐。百口幸團欒。且博他鄉醉。休傷故國殘。鼓聲喧石屋。燈火耀幡竿。明日春風煖。晴梅好共看。
○辭意○
○兼到○

釋本月 旅菴浙江寧波人 隨悔稿

登迎仙亭懷古 係明世宗皇帝所建

乘時聘望。兔峯南臺高。百仞各旋磨。上有迎仙之虛亭。鑿與屢幸。凭几坐。臨風幾度學吹笙。夕朝勤惕。曾無惰翠屏。今已屬誰家。空欄只見鳴鴻過。丹成帝主未飛昇。徒將鍊石為功課。
○俯○仰○情○

課 數言 健絕

次荅瞿菴大師見寄

特旨宣留駐帝京。舊交自爾隔孤城。門連省掖車塵影。地遠

秀甚。定本

空山夜雨聲。鳴鶴幾聞增。別怨驛梅初寄。慰離情。幽期倘遂。林泉請共賦。歸來白雪盟。
筆情秀潔。如塞蘭蒨。

椒園懷兀菴冰心兩和尚

御苑招蓮社。禁林成梵宮。何如松竹下。輪與雪谿翁。
合唐。

釋大燈 同岑浙江嘉興人

夜泊銷夏灣呈同游諸公

吳王消夏灣。歲歲滿芙蓉。萬頃如明鏡。鴛鴦戲其中。雲物不

異。昔昔人。邈難逢。奔景慨易逝。邀懽難數從。蘭舟照明月。蘆

葦吹寒風。深夜話不息。明德懷心胸。
潔

何金驤 御六江南丹徒人

送友人至東粵

道是相逢却怪遲。那堪分手又天涯。客中芳艸難為別。嶺上

梅花何處貽。章貢夕陽連客夢。滄洗秋色上深卮。行行折得

長堤柳。一唱陽關淚自垂。
風神獨秀

過舊遊次壁間韻

策馬重過路。更賒夕陽深。鎖舊蒹葭棲鳥。到夜還留夢。古樹

經春不放花。明月影寒。追細語。玉簫腸斷起。隣家可憐環佩

無消息。一夕愁多兩鬢華。
御六深情人。故能作情語。

繆永謀 天自浙江嘉興人

送柯翰舟南歸即遊豫章

曉上黃金臺。遙看故鄉樹。同是故鄉人。獨憐送君去。

六月江南天。相逢蕩舟劇。若聽采蓮歌。好憶幽州客。

爾欲尋仙隱秋風入豫章昔年陶令宅誰與問柴桑

定本三詩
愜而

鄭培 文溪浙江海鹽人

都門送柯翰周遊匡廬

去年逢君邯鄲回朔風蕭蕭雨雪催今年逢君歸故里薊門
花落紛如綺君家兄弟稱雄豪池塘新句夙所標牙籌逸典
飛觥外彩筆吟成明月高邀歡未幾別何早揮鞭復出燕京
道攬勝將窺瀑布奇舊遊漫說嵩山好君不見廬山五老潯
江傍上有九疊屏風張香爐籠葱吐雲氣群峯矯若驚龍翔
○風○藻○飛○揚○揚帆迢遞從茲去離情渺渺三潭樹遙想陶潛種秫時還看
靈蓮題詩處知君乘輿到雲林回望鄉園鳥道深青牛谷口

烟霞晚白鶴觀前松檜陰伊余夙慕巖泉久見說名山每回
首空佩金箱五嶽圖年來錯向長安走長安道上還送君拂
衣欲往愁塵氛迴峯九轉多猿狖向月哀鳴聲入雲借問廬
山幾千尺秋風欲試登山屐請君直上漢王峯為予拂拭廬
山石

全學太白其才思
敏妙正足副之
汪楷 雲憑江南嘉定人

春暮臥疾西園

百卉競敷華春陽麗遲景欣欣物含輝崢嶸互相映而予抱
微疴橫琴還伏枕閒覺簷晷長幽見窓几淨花落紛崇岡苔
生積紆徑間鳥遞聲參差林弄影雖悵良朋阻竊喜塵慮
屏圖史靄盈床荒園心眼永始悔昔紛營茲境今方領

詩卷二集十一
靜會所謂卧疾豐暇豫也
詩秀潔而多姿亦復如謝
高詠 阮懷江南宣城人

同顧赤方登鰲峯望疊嶂樓

陵陽迴合擁三峯。望裏羣山積翠重。杜牧遊宣詩最富。謝公
作艷興偏濃。樹臨僊觀。栖黃鶴城。俯江潭見白龍。極目遙空
殘雨外。夏雲千片散芙蓉。
極追琢 極天然

過謝臯羽墓

墓為方 干故宅

許劍曾傳此地游。豐碑遺墓尚荒丘。龍髯墮海三宮淚。馬鬣
封山萬古愁。處士宅邊寒雨夜。嚴陵灘下暮江流。當年慟哭
聲猶在。散作西臺檜栢秋。
妙在為啼 髮人寫照 阮懷詩清麗高雅矯然出塵晚 得其遺山刻稿惜不能多載

陸

輅

次公載商江南常熟人 鬱蒼樓稿

贈練川陸君暘

花蘂春老罷啼鶯。忽聽間關百轉鳴。玉軫乍調風細細。紅牙
輕點月盈盈。雲停繡幕連朝影。塵遠離梁昨夜聲。曾向沉香
亭北奏。祇今六院尚傳名。
一語傳 為佳話

趙其隆

今至浙江山陰人 紀遊草

洙水橋

史官書泗上。今獨曰洙流。陵谷隨時易。淵源何處求。豁中無
荇藻。橋下有楊楸。道派寧終竭。吾人莫漫憂。
儀至孔林見 洙水告竭洵

有如詩中所云 者其謂之何

沈純中

穆如浙江錢塘人 梅軒偶刻

再宿韜光

舊遊來此地。今夕更忘歸。萬籟聽似寂。浮生亦息機。江潮枕上落。海日夜中飛。買隱真無地。山中堪采薇。

雄鍊語極為飛動

胡玉昆 元潤江南江寧人 栗園稿

遊靈谷寺

遊人稅駕始容登。五里森森千萬層。林外草香初見鹿。礪邊雲至幾疑僧。誰來共話齊梁事。極望當年風雨陵。無數松濤爭作響。護持真藉梵王燈。

確切靈谷處處皆見精力

祖堂

一領袈裟掛屋西。相傳一祖鑿幽棲。山留雨露滋薇蕨。寺儼羲皇絕鼓鼙。石磴苔深隨礪轉。竹樓門敞與雲齊。尋僧欲問

禪家事。夜半聞鐘月在溪。

悠然靜遠疑在雲門若耶

顧自惺

友星江南江寧人

夏日趙五絃太守招集竹筋

綠陰深幾折。老屋半間藏。竹木暗清晝。風烟收夕陽。情閒尊酒徑。官冷百年場。却自調冰水。留人坐晚涼。

是日與友星飲于五絃竹

亭自此五絃遂長逝矣把此能無太息

喻全易

可敬江西南昌人

再登焦山

十載重經此。猶然礪磴存。山空僧語寂。樹密鳥聲繁。風定雲依石。潮生月到門。欲歸尋舊渡。江閣已黃昏。

寫景俱入自然

趙陞

孟遷浙江山陰人

同諸子宿來青軒

倚闌同話竹。○ 隱幽榻下於斯。○ 願已酬歸鳥。○ 衝煙林色。○ 暝候蛩。○ 絮月露華。○ 浮鐘疎近。○ 遠心俱寂。○ 夜靜巖阿。○ 夢自悠。○ 掩映禪燈。○ 窺一點蓮花。○ 漏盡五更頭。

朱 曙 復旦江南休寧人 喬木山房稿

送吳雨三入燕

脂車君且去。○ 吾憶君所過。○ 於山見秦岱。○ 於水觀黃河。○ 王公大人。○ 輦轂擊肩相摩。○ 雉堞干碧漢。○ 宮闕尤崔嵬。○ 低回明德堂。○ 車服禮器多。○ 既已極大觀。○ 今古盡包羅。○ 雲翼試一振。○ 天衢鳴珮珂。○ 詩書終有用。○ 何必事干戈。

官純胤 嗣長湖廣蘄水人

聲高氣逸

倘甸雨夜

荒邨皆。○ 棘語欲辨。○ 苦侏離。○ 細雨深殘。○ 夢孤燈。○ 共遠思。○ 方愁。○ 蚊蚋賦。○ 忍詠。○ 鶴鴿詩。○ 風土殊。○ 方異。○ 秋光賴未移。

蒼然以遠

夏州梁

斗巖江南鹽城人

贈別孫惟一

為惜三春別。○ 離亭五夜過。○ 酒留清浦月。○ 人渡白洋河。○ 塞雁春風少。○ 霜橋驛路多。○ 雲平千里色。○ 別後思如何。

響而秀

翁 磊

岱瞻江南泰州人

送秋浦胡崇娘歸里

哀妾自有夫。○ 何為流異域。○ 楚軍本橫威。○ 非妾美顏色。○ 遙睇見。○ 故山不敢覓。○ 消息夜寂。○ 訴幽怨。○ 有客潛然慟。○ 告我東海守。○ 殷

勤郵孤跡。嗷嗷西北飛。黃鵠奮歸翼。飄零非舊容。羞郎還辨。識問我別來。愁泪落不可拭。當時送崇娘鏡合名作如林而古雅則推我翁子

葉藩 桐初江南太倉人 惜樹齋稿

霜鐘

霜落知天靜。鐘鳴傍夜闌。渡頭孤客醒。高處一僧寒。岸岸蘆花白。山山木葉丹。此中真自得。莫聽角聲殘。

五日焦山同劉雪舫

名山閱歷兵戈後。置酒高歌此會難。白日炤殘鄉國暗。大江流向客心寒。輕移漁艇芳洲穩。易得鶯聲綠葉寬。豈為學仙常採藥。清波應作汨羅看。秀而入老

卓人臯 有枚浙江仁和人

送永瞻遊鄱陽

鶯送殘春。轉夕陽。官橋細柳。拂危檣。渭城一曲。頻回首。遲爾南行三日裝。何其情長

青錢沽酒醉潯陽。忽聽絃聲繞客橋。度曲未終江月落。那堪

寒露濕離裝。情致裊裊

顧兼 开山江南無錫人

楚遊感興

千里晴川急下時。雲山萬疊見孤陴。南開溟水丹楓冷。北望潼關白羽遲。行坐只聞風雨驟。往來不盡兔猿悲。十年書劍成何事。日晡江頭尚采蘿。調壯而思沈固 非靡靡之奏

許心宸 紫臣江南長洲人

昆盧閣觀雪用東坡韻

禁苑參差繞暮鴉。霜葩縹緲傷風斜。千門化作瑤臺影。萬樹
齊飄柳絮花。白鶴孤飛堪作伴。黃輿一色孰為家。玉山倘有

傾頹日揮手長空望遠叉

用筆寬舒而
詞意俱到

劉應麟

兆聖江南江都人
耕堂集

春夜友人招集

入歲春猶淺。官梅凍未開。衝寒呼酒急。帶雪看燈來。辛試春
盤韭。詩徵午夜才。浮雲天遣盡。放月上瑤臺。

興致
都佳

東吳馨聞

年年春日醉流霞。忽報匆匆向若耶。天氣正佳寒食近。且留
仙棹訪桃花。

似晉人新語讀
之令人可懷

浦舟

鷗盟江南太倉人

初夏集城西八里莊摩訶庵

西郊霽日快招邀。風物幽尋野外饒。柳拂晴原鶯語滑。花深
曉陌馬蹄驕。穿林油壁增悒悵。入寺疎鐘破寂寥。勝賞莫教
鄉思動。東南烽火路遙遙。

韶麗是晚
唐勝塲

徐國顯

公佑江南合肥人
寒梅草

送紀彥子歸真州

雪後東風漸解寒。玉河春氣動冰湍。長途結伴穿花去。倦客
羈棲顧影單。渚鶴汀鷗情自遠。殘書舊劍枕偏安。遊人莫折
沿隄柳。留坐新鶯喚酒闌。

詞藻翩翩
更能深貼

圖書

